

5
1
1

長周
叢書

毛利隆元卿傳
吉川元春卿傳
小早川隆景卿傳

七七
八

七
合
冊

毛利隆元卿傳

吉田矩方



常榮公諱隆元。稱少輔太郎。洞春公長子。母吉川國經女也。大永三年生。初我毛利氏。世與周防大內氏善。幸松君之幼。大臣權議。即出雲尼子氏。及洞春公嗣立。復締舊交於周防。與出雲絕。於是公年甫十三。出質大內氏。在山口七年。尼子晴久。聞之大怒。大舉來攻吉田城。大內義隆遣其臣陶隆房等援我。明年五月。出雲軍遁走。事平。然後得歸城。公在山口。義隆為加冠。與其偏名。天文十六年。公代



洞春公。就國職。八月改備中守。是時。二弟吉川元春。小早川隆景。皆協心奉宗家。宗家益強。十九年。大內義隆。為陶隆房所弒。二公誓欲為報讐。而隆房改名晴賢。勢焰甚熾。

豐後大友氏。首爲之援。比近諸豪莫不懾服。我諸將皆請暫和以待時機。二公乃爲陶氏。攻下備藝數城。久之我請其江田城。晴賢靳不肯與。公密白曰。義隆之義。晴賢之逆。皆非可坐視。今機已會矣。寧可緩哉。洞春公深然之。遂從其謀。於是新城嚴島。以誘晴賢。晴賢將防長豐筑兵。航海到島。弘治元年十二月朔日。二公與兩川諸將。潛軍襲嚴島。海陸夾擊。遂斬晴賢。有賊五百人。直犯公軍。公親與洞春公親兵。擊殲之。二公之將襲島。風烈雨甚。船兵皆難。洞春公奮曰。吉日可復卜哉。此天所以助義兵。因召公語曰。今日之事。吾固決死。汝留生以謀再舉。徒勿從死。公不悅曰。大人既然。兒何敢生。因取帶束甲。斷其餘。以示死志。先起上船。親兵爭從之。竟以得克。三年周防長門悉服。三年

秋九月。後奈良天皇崩。十月正親町天皇踐祚。時足利氏衰。天下大亂。朝典廢闕。即位大禮久而未舉。二公深憂之。使國清寺僧惠心。奉即位料。朝廷嘉納。詔公任大膳大夫。洞春公任陸奥守。我毛利氏之義名。於是振於天下矣。是歲。大將軍義輝。補公安藝守護職。五年加備中備後周防長門四國。而天朝叙公從四位下。初吉川氏出石見。以略山陰。小早川氏居備後。以鎮山陽。各有顯功。而公常在洞春公麾下。故世少傳者。及防長已服。公駐岩國。以經西海。數下赤馬關。連卻大友軍。義輝遣聖護院大僧正道增。勸我與大友義鎮和。以防長屬我。而豐筑歸大友。又約爲世子幸鶴君。娶義鎮女。於是西海無事。洞春公方在出雲。與兩川諸將。攻尼子氏。公將赴省而佐之。東上道過吉田。宿

郡山城下一日。幸鶴君留守城中。公召見宿所。置酒爲禮。意不甚歡而止。因召君從臣。從容語曰。邇年四境日闢。而西海軍事亦略就緒。是皆老公苦心勞躬之所致也。庶請入城而休。不敢行。進駐佐々部。點檢士庶。會和智誠春。迎而享之。明日公暴逝。實永祿六年八月四日也。在職蓋十七年。壽四十有一。葬吉田大通院。上謚曰華溪常榮大禪定門。訃聞出雲。洞春公乃謂諸將曰。汝等誠以所悼隆元者。奮激當敵。何城不拔。何軍不敗。而隆元之心自然慰于地下矣。於是士氣益奮。連戰皆捷。已而幸鶴君亦赴出雲。久之。尼子義久出降。公素行端正。臨敵勇決。而特敦於仁孝。時論比之平內府重盛。公駐岩國。大友氏陰招周防長門將士。將士皆不忍叛焉。井上有景奉侍純勤。又曾侍洞

春公病。百日衣不釋帶。誅井上黨時。公先令有景外使。以免之。波多野兵庫。力鬪死門司。其子龜壽猶幼。公憐之。賜感狀。特令嗣父祿。我毛利氏承江家文學之後。雖在亂離。未嘗廢文雅。洞春公父子。最長國風。宴會贈酬。家庭之間。温温如春。公會從洞春公。至備後高山城。城小早川氏所居。小早川氏供待懇至。使人讀太平記。以任之。洞春公會作書。與公及兩川。言閩族輯睦之道。公與兩川。逐條奉答。永爲寶訓。公之逝。人或疑和智誠春毒之。久之。僧惠心。上公聞洞春公病。以身代之狀。因就嚴島祠。索得其文。和智之寃於是白矣。公已逝。而幸鶴君猶幼。於是洞春公重知國職。後八年洞春公逝。幸鶴君嗣立。是爲天樹公。

臣矩方謹按。我洞春公。中興祖業。拓開十國。尊天朝。誅

逆賊。功德成烈。可謂至矣。故藩特崇奉之。天樹公。繼續父祖。遇時艱難。大照公。新開二國。傳諸百世。亦皆勤矣。故崇奉並次洞春公。因合稱之曰三靈。三靈一社。祭祀惟敬。而常榮公則不與焉。今公襲職。敬祖重祭。興廢典繼絕世。無所不至。越十七年。嘉永癸丑三月。定常榮公祭式禮數。同之天樹大照二公。又奉神主于靈社。崇曰感德焉。昔周文王。以王季爲父。以武王爲子。父作之子述之。故孔子曰。其惟文王無憂。臣於常榮公。亦云。而今公之追孝。可以比姬周也已。

山縣 禎 撰

常榮公名隆元。幼字少輔太郎。大江姓。毛利氏。父洞春公。有九男。公其長子也。母吉川國經女。以大永三年生于藝

州多治比城。初我毛利氏。服屬周之大內氏。秀岳公薨。幸松君幼弱。而以與出雲尼子氏接境。屢出兵來侵。於是大臣權議。屬於尼子氏。洞春公嗣宗之後。復納舊交於周。與雲絕。時公年甫十二。出質於大內氏。尼子晴久聞之大怒。大舉來攻吉田城。大內義隆遣其臣陶隆房等援我。明年正月晴久敗走。於是公歸自山口。公在山口七年。義隆加冠與其偏名。養內藤氏之女。爲子以妻之。天文十六年洞春公老。公襲職。八月改備中守。是時二弟吉川元春。小早川隆景。共協心輔宗家。毛利氏益強。十九年陶隆房弑。大內義隆改名晴賢。勢焰甚熾。豐後大友氏爲之援。鄰境諸豪。莫不懾服。公與洞春公。欲爲大內氏報讎。我諸將皆請暫和以待時。兩公從之。於是先爲陶氏攻下備藝諸城。頃

之我請其江田城。晴賢靳不與。公曰晴賢之弑逆非可坐視。且今機已會矣。寧可緩哉。洞春公深然之。於是新築於嚴島。以誘晴賢。晴賢乃帥防長豐筑之兵。踰海到嚴島。而陣。弘治元年九月晦。洞春公將與兩川諸將。乘夜潛軍。而襲之。是夜風烈雨甚。衆皆難之。洞春公奮曰。吉日可復卜哉。甚雨烈風。是天所以助義兵也。乃召公語曰。今日之事。吾固決死。汝宜全生以謀再舉。勿徒從死。公不悅曰。大人既然。兒何敢生。因取帶束甲。斷其餘。以示死志。先起上船。衆皆爭從之。平明達島。乃海陸夾擊。呼聲震天地。事出不意。晴賢大狼狽遁走。我兵逐北。奮擊殲之。遂斬晴賢。進入周防。拔諸城。三年周長悉平。是歲後奈良帝崩。正親町帝踐祚。時足利氏衰。天下大亂。朝典廢闕。即位大禮久而未

舉。公與洞春公深憂之。乃使國清寺僧惠心。獻即位料。朝廷嘉之。詔公任大膳大夫。洞春公任陸奥守。毛利氏之義名。於是乎振於天下矣。是歲大將軍源義輝。補公安藝守護職。五年加封備中備後周防長門四國。而朝廷叙公從四位下。初吉川氏取石見。以略山陰。小早川氏居備後。以鎮山陽。各有功名。而公常在洞春公左右。密謀畫策。是以世少傳者。及周長已服。公駐岩國。以經略西海。數到赤馬關。連却大友軍。大將軍義輝遣聖護院大僧正道增。勸我與大友氏和。又約爲世子幸鶴君娶大友義鎮女。於是西海無事。洞春公時在出雲。與兩川諸將。攻尼子氏。公將赴而佐之。東上道過吉田。宿郡山城下。衆請入城而休。公曰。邇年四境日闢。西海軍事亦略就緒。是皆老公苦心勞躬

之所致。吾何敢忍。一日安息哉。遂進到佐々部。點檢士衆會。和智誠春迎而享之。明日暴薨。實永祿六年八月四日也。在職十七年。壽四十有一。將士愕胎莫知所措。葬吉田大通院。法謚曰華溪常榮。訃聞出雲。衆皆哀悼如喪考妣。洞春公乃謂諸將曰。汝等誠以下所悼隆元者。奮激當敵。何城不拔。何軍不敗。而隆元之心。亦有慰於地下矣。於是士氣復大奮。連戰皆捷。久之尼子義久。力屈出降。初公之駐岩國。大友氏陰招周長將士。將士皆不忍叛焉。井上有景嘗事公而最純勤。當誅井上黨時。而公先令有景外使。以免之。波多野兵庫。嘗力鬪死門司。其子龜壽尙幼。公憐之。特賜感狀。令嗣父祿。公之仁恕能得士心。類如此。公躬行端正。臨敵勇決。特敦於親親。嘗侍洞春公病。百日衣不釋。

帶。公之暴疾。人或謂和智誠春毒之。洞春公意惑焉。後僧惠心侍洞春公。陳公嘗聞老公在雲而病。即謁嚴島祠。請以身代之狀。因走人到祠。索得其文。洞春公大感悟。涕泣不能自禁。和智之冤。於是乎白矣。我毛利氏。承江家文學之後。雖在亂離間。未嘗廢文雅。洞春公父子。最長國風。宴會贈酬。家庭之間。溫如春。洞春公嘗作書十四條。與公及兩川。言閩族輯睦之道。公與兩川。逐條奉答。永爲寶訓。公已薨。而幸鶴君尙幼。於是洞春公再知職。八年洞春公薨。幸鶴君嗣立。是爲天樹公。而後洞春常榮二公之冑。綿綿不絕。以至於百世。

史臣曰。我洞春公。大興祖業。新拓疆土。終霸于山陰山陽十州。而尊皇室。誅逆賊。功德威烈。可謂盛矣。是以藩

特崇奉之。天樹公繼承父祖。遇時艱難。大照公新開二國。傳諸百世。亦皆勤矣。故崇奉並次洞春公。因合稱曰三靈。三靈一社。祭祀惟虔。而常榮公則不與焉。蓋以下其先洞春公而早薨也。今侯襲職。敬祖宗興廢典。於是嘉永癸丑之歲。定常榮公祭式禮數。同之於天樹大照二公。又奉神主于靈社。尊之曰感德。於是乎崇奉之典。不異於三靈。其於禮誠爲稱矣。其然後公之功德益顯。使後人無復遺憾焉。嗟乎。今侯崇祖宗之盛意亦至矣哉。

吉川元春卿傳

吉川家撰

元春ハ贈正三位毛利元就ノ第二子從兄吉川興經ニ養ハレ其後ヲ承ク實ニ吉川氏ノ第十五世トス吉川氏ハ左大臣藤原武智麻呂ヨリ出ツ武智麻呂ノ後十六世經義鎌倉幕府ニ仕ヘ駿河吉河ニ住ス始祖トス始テ吉河ト稱ス後吉川ト更ム古文書多ク吉河水河ノ字ヲ用ニ後九世經信ニ至リ始テ吉川ノ字ヲ用經義ノ子友兼梶原景時ヲ誅スル當時所用ヒタル如シ江爲次于今家ニ傳ノ功ニ依リ播磨福井莊地頭職ニ補セラル猶古裝ヲ存セリ曾孫經光亦功ヲ以テ安藝大朝本莊地頭職ニ補セラル駿河吉河並播磨福井莊ノ地頭職ヲ併セ領ス玄孫經高始テ徙テ安藝山縣郡新庄ニ居ル爾後累世

室町幕府ニ仕へ皆武勇ヲ以テ稱セラル十傳シテ與
經ニ至ル元春初メ少輔次郎ト稱ス享祿三庚寅ノ歲
ヲ以テ安藝吉田郡山ノ城ニ生ル時ニ父元就尼子氏
ニ属ス尼子晴久元就ヲ遇スル亡狀元就乃チ去テ大
内氏ニ就ク晴久大ニ怒リ天文九年騎卒五萬ヲ率井
テ吉田ノ城ヲ圍ム十年正月十三日元就三千餘人ニ
將トシ城外ニ出テ以テ敵軍ヲ擊ツノ方略ヲ議ス少
輔次郎歲甫テ十二出テ軍ニ從ハンコトヲ請フ元就
其幼ナルヲ以テ井上元兼河内守ヲ抱キ止メシム
少輔次郎悲リ刀ヲ拔キ將ニ元兼ヲ斬ラントス元就
見テ之ヲ奇トシ遂ニ携テ師ニ赴ク少輔次郎乃チ高
尾豐前守黑正甚兵衛ノ陣ヲ衝キ之ヲ破ル是ヲ少輔次郎ノ初陣ト

ス十二年八月晦日元服ヲ加ヘ元春ト稱ス十七年備
後ノ神邊ノ城主山名誠ハ忠興少宮内大内氏ニ背キ尼子
氏ニ属ス元就義隆ノ命ヲ受ケ之ヲ討ス元春父ニ從
ヒ軍ニ在リ六月二十日ノ戰ヒ躬自ラ槍ヲ把リ奮闘
將士ヲ激勵ス新莊ノ兵尤モ力戰就中今田上野助森
脇内藏大輔二官五郎等ノ功尤モ多シ大内氏ニ贈ル
手負註文アリ原文載セテ吉川家譜ニアリ是歲八月元就隆元元就第一子元春ノ
兄元春隆景元就第三子山口ニ至ル義隆手負註文ノ證
狀ヲ書シ之ヲ返ス十八年巳酉四月家督ス十九年庚
戌二月新庄日山ノ城ニ入ル改テ治部少輔ト稱ス是
ヨリ先キ沼田莊高山ノ城主小早川正平又太雲州嶋
巢川ニ戰死シ其子繁平幼ニシテ明ヲ失フ其族黨胥

議シ元就ニ請テ隆景ヲ迎ヘ正平ノ女ニ配シ以テ嗣
トス於是吉川小早川二氏並ニ毛利氏ノ羽翼ト爲リ
毛利氏ヲ以テ宗家ト爲ス當時毛利吉川小早川三家
ノ稱アリ其師ヲ出スヤ元春隆景常ニ先鋒ト爲リ陣
ヲ陷リ旗ヲ擧ル二人勇謀一時ニ冠絶ス毛利氏向フ
所敵ナシ世呼テ兩川ト稱ス元就元春ノ未タ室アラ
サルヲ以テ兒玉就忠三郎右衛門ヲシテ其意ノ向フ所ヲ
問ハシム元春日ク唯父命ニ之從フ就忠強テ請フ元
春日ク吾熊谷信直ノ女ヲ娶ラント欲ス就忠曰ク彼
女醜惡比ナシ因テ人ノ娶ラサル所ナリ耶君恐クハ
其美ヲ誤リ聞ク無キヲ得ンヤ元春日ク吾素ヨリ其
醜ヲ知レリ抑古名將女色ヲ以テ其勇義ヲ失フモノ

多シ人娶ラスシテ我之ヲ娶ラハ信直必ス感喜シ我
カタメニ死力ヲ盡サン我之ト鋒ヲ連テ家君ノ先ヲ
爲サハ向フ所誰カ能ク敵スル者アラシヤ就忠慚服
シ即チ元就ニ告ケ之ヲ娶ル信直果シテ大ニ喜ヒ元
春師ヲ出ス毎ニ必ラス之ニ從フ毛利氏ノ兵鋒是ヨ
リ益銳ナリ廿年八月大内氏老臣陶隆房尾張守後名ヲ
晴賢ト更ム又
ト號ス其主大内義隆ヲ弑シ大友義鎮弟義長ヲ迎ヘ
テ主ト爲シ而シテ自ラ國政ヲ擅ニス元就深ク其篡
逆ヲ惡ミ遂ニ之ト絶ツ廿三年三家兵ヲ備後安藝ニ
出シ諸城ノ陶氏ニ属スル者ヲ攻略ス備ノ保木野間隆
實ノ城
地藝ノ折敷畑等ニ戰ヒ吾兵ノ功殊ニ多シ弘治元年
元就嚴島ノ有浦ニ築キ陶氏ニ餌ス九月晴賢果シテ

海兵三萬ニ將トシ來テ有浦城ヲ攻ム城將已斐新里
伴リ城ヲ棄テ、走ル晴賢移テ之ニ陣ス此月晦日夜
大風雨ニ乘シ三家兵ヲ率井テ嚴島ニ航ス元春先鋒
タリ朔日昧爽新庄ノ兵八百餘人ニ將トシ博奕尾ニ
上リ諸隊齊ク鬩ヲ發シテ敵營ヲ襲フ陶軍狼狽將士
驚躁先ヲ爭テ敗走ス獨リ偏將弘中隆包守三河留戰フ
鋒又頗ル銳ク元春ノ軍殆危シ元春怒リ親自ヲ槍ヲ
揮テ進ミ奮擊之ヲ破ル晴賢自殺シ部下ノ驍將悉ク
死ス三家進テ周防岩國ニ陣シ所在ノ敵城ヲ拔ク尋
テ大内義長モ亦長府ニ自殺ス周防長門盡ク平ク備
後豐筑ノ諸豪欸ヲ送ル者多シ弘治二年尼子晴久三
家ノ周防ニ在ルヲ聞キ虛ニ乘シ其封境ヲ侵ス元春

乃チ石見ニ入り郡邑ヲ徇ヘ尾高黒岩ノ二城ヲ築キ
之ニ據ル晴久兵ヲ引テ去ル石見ノ將士概テ我ニ服
ス三年大内氏ノ遺臣益田藤包中越三角城ヲ守ル智勇
ヲ以テ稱セラル元春元就ニ請ヒ之ヲ招降ス十一月
元就教訓ノ書ヲ作り隆元元春隆景ノ三子ニ授クハ
頼ヒテ吉川三家既ニ陶賊ヲ仆シ大内氏ノ地ヲ略シ遂
ニ尼子氏ヲ圍ル永祿元年二月元春石見ニ入り温湯
城主小笠原長雄ヲ攻メ又尼子氏ノ兵ト所在接戰シ
テ互ニ勝敗アリ二年五月將軍義輝僧巢林院ヲシテ
書ヲ元春ニ遣リ尼子氏ト和セシム内書並ニ上野信
孝民部ノ奉書アリ各書川家頼ヒテ吉毛利氏可カス三年二月
元春駿河守ニ任ス將軍義輝内書上野信孝ノ奉書ア

り各書四年尼子氏ト連戦止マス閏三月幕府重テ聖
護院ノ僧ヲ下シ藝雲ノ和ヲ講セシム内書並ニ信孝
ノ奉書アリ各書五年元春策ヲ設ケ石州ノ豪傑本城
常光越中ヲ誘降シ石見ヲ定ム七月三家石見備後ノ
兵一萬五千餘人ヲ率井雲州ニ入ル元春先鋒ノ諸士
ヲ指揮ス尼子氏ノ諸城降付相望ム是冬三家赤穴ノ
陣中ニ在リ年ヲ踰ユ六年六月大友義鎮豊前ニ入り
毛利氏ノ属城ヲ攻ム隆元周防岩國ニ至リ方略ヲ授
ク將軍義輝又タ聖護院ノ僧ヲシテ書ヲ元春ニ贈リ
大友氏ト和セシム内書並ニ上野信孝ノ奉書アリ各書
上十月三家進テ雲州洗合ニ城キ移テ之ニ陣シ富田
ノ糧道ヲ絶ツ此間大小攻戦吾兵毎ニ利アリ元春陣

中ニアリ親カラ太平記ヲ寫ス閏二月卷一ヲ了ル七
年七月大友氏ト和ス宗麟並ニ老臣四人連署ノ誓書
ヲ贈ル各書此年正月ヨリ十二月ニ至リ太平記廿八
冊ヲ寫了ル八年二月輝元始テ尼子氏ヲ伐ツ元春ノ
長子元資後元長ト更ム元春卒シ嗣立ツ之ヲ吉川氏第十六世ト
爲ス永祿天正ノ際父ニ從テ屢功勳ヲ樹ク關白秀吉西
征ノ日亦父ト師ニ從ヒ功アリ平定ノ後秀吉封スルニ筑後ヲ以テ
セントス未ダ發セズ嬰疾卒ス歳四十官治部少輔位正五位下ニ至
ル法名萬徳亦始テ軍ニ從ヒ大ニ尼子氏ノ兵ト洗合ニ
戦フ是歳四月ヨリ八月ニ至リ元春太平記十一冊ヲ
寫了ル太平記全部四十九年四月織田信長書ヲ元春ノ
冊今家ニ傳フ陣中ニ贈ル原文先是尼子氏富田ノ城ヲ守ル已ニ七
年城中糧盡キ外救援ヲ絶テ將士沮喪是ニ至リ義久
遂ニ降ヲ乞フ元就之ヲ許ス十一月廿八日義久兄弟

三人城ヲ出テ、藝州ニ降ル兩川ノ兵之ヲ護送ス三
家父子ハ洗合ヨリ杵築ノ社ニ賽シ振旅シテ藝州ニ
還ル是ヲ尼子七年元春獨リ留テ國中ノ弊政ヲ釐革シ
殘黨ヲ鎮撫ス先是山陰山陽ノ侯伯諸豪往々來リ好
ヲ通シ欸ヲ送ル但馬ニ山名豐貞山名豐弘太田垣尾因幡ニ山
名豐國及武田草刈美作ニ阿蘇藤備前ニ浦上
浮田丹波丹後ニ波多野萩野一色播磨ニ神喜別所及上月矢島等アリ是ニ於テ中國悉ク平ク
毛利氏既ニ大内尼子二氏ノ地ヲ併セ山陰山陽ノ十
三州ヲ領ス元春ニ命シテ山陰ヲ掌リ隆景ヲシテ山
陽ヲ掌ラシム十年三月將軍義昭聖護院門跡ヲシテ
來リ雲州ノ平定ヲ賀セシム内書アリ原文十一年是
ヨリ先伊豫ノ守護河野通直彈正同通宜四郎大洲城主
宇都宮豐綱ト兵ヲ交ユル積年土佐ノ長曾我部元親

豐綱ヲ援ク通直亦救ヲ我ニ求ム是ニ於テ元春隆景
三萬餘人ヲ率テ赴援ク荐ニ數城ヲ拔キ遂ニ大洲城
ヲ圍ム元親乃チ二萬人ヲ率テ柳原ニ陣ス元春我別
軍ヲシテ之ニ當ラシメ自ラ麾下ノ兵若干ヲ率テ急
ニ大洲城ヲ攻ム豐綱遂ニ降ル國司西園寺公廣モ亦
來奔シ伊豫悉ク平ク是歲大友義鎮毛利氏ノ属城ヲ
攻ム城將宗像重繼高橋統種援ヲ乞フ元春隆景兵五
萬餘ヲ率テ赴援ケ豐前三个嵩城ヲ拔ク十二年正月
將軍義昭聖護院門主ヲシテ來リ再ヒ大友氏ト和セ
シム内書及上野信惠一色藤長ノ副翰アリ原文三月
同上月
元春進テ筑前立花城ヲ攻ム三面ヨリ重圍ス五月大
友宗麟兵六萬餘ヲ發シ之カ後援ヲ爲シ高良山ニ據

ル我兵之ト抗衡シ戰フ毎ニ利アリ遂ニ立花城ヲ陷
 ル此役元長諸兵ヲ督勵シ奮戰功アリ元就之ヲ賞シ
 左文字刀並ニ駿馬ヲ與フ駿馬寒梅ト名ク此時ニ當リ元就長
 門赤馬關ニ陣シ遙ニ聲援ヲ爲ス尼子ノ遺臣山中幸
 盛鹿之等安藝ノ虛ニ乘シ土寇ヲ雲但ニ起シ故尼子
 助誠久式部ノ子僧ト爲ル者ヲ索テ主ト爲シ名ヲ勝久
 ト更メ義故ヲ招募シ連ニ十餘城ヲ拔ク遂ニ雲州新
 山城ニ據ル山陰大ニ亂ル故大内義隆ノ季父輝弘太郎
 左衛門モ亦防州山口ニ入り亂ヲ作ス元就之ヲ聞キ命
 シテ外師ヲ班ス兩川乃チ戍兵ヲ留メ十月五日筑前
 ナ發シ赤馬關ニ歸リ元就ト共ニ管内ヲ鎮定スルノ
 方略ヲ議ス元春乃チ元長ト兵若干ヲ率井先ツ輝弘

ヲ伐ツ輝弘退キ茶白山ニ入テ自殺ス餘黨弭散ス元
 龜元年正月三家勝久ヲ伐ツ元春ノ第三子才壽丸後
 言ト稱シ又廣家ト更ム元長卒シテ子ナシ後ヲ承ク之ヲ吉川氏第
 十七世トス元龜天正ノ際父兄ニ從ヒ中國四國及九州ノ間ニ戰ヒ
 功アリ後文祿征韓ノ役ニ從ヒ屢偉功ヲ奏ス蔚山ノ戰功尤モ彰ル
 者ナリ後關ヶ原ノ事起ルニ從ヒ及テ斷然策ヲ決シテ徳川氏ニ通シル
 州ノ封境ヲ全フス官藏人頭位從四位下ニ至ル年甫テ十歳軍
 寬永二年卒ス年六十五法名全光院中嚴如兼
 ニ從ハンコトヲ乞フ元春許サス乞フ再三ニ及ヒ乃
 チ之ヲ許ス是ヲ才壽丸ノ初陣トス而シテ雲州ハ山陰ニ方リ吉川
 氏ノ管内ニアルヲ以テ元春父子常ニ先鋒ト爲リ連
 戰敵ヲ破リ諸城ヲ復ス勝久幸盛退キ新山ニ走ル九
 月元春元就ノ疾病ナルヲ聞キ輝元隆景元資並ニ才
 壽丸等ヲシテ安藝ニ歸ラシメ獨リ雲州富田ニ駐テ
 勝久ヲ壓シ四方ヲ經略ス六月十四日元春高瀬ノ陣

ニアリ父元就ノ訃ヲ得テ愁傷殆ト食ヲ絶ツ諸將士
來リ弔ス元春自ラ奮テ之ニ謂テ曰ク佛事葬典ノ任
ハ輝元隆景アリ吾ハ當ニ殘賊ヲ殲シテ以テ先考ノ
靈ヲ慰スヘキナリ時ニ幸盛末石ニアリ元春策ヲ設
ケ急ニ之ヲ攻ム幸盛計窮シ出降ル元春命シテ之ヲ
囚フ幸盛病ヲ伴リ厠中ヨリ逃ル八月元春八千餘人
ヲ率キ新山ヲ攻ム勝久敗北京師ニ匿ル餘寇或ハ降
リ或ハ遁レ雲伯悉ク平ク先是武田信玄上杉謙信並
ニ使ヲ毛利氏ニ通シ好ヲ修セシム會元就已ニ卒ス
三年二月元春父ニ代リ佐々木定經原兵ヲ甲越二國
ニ遣ハシ之ニ答ヘシム三月從四位下ニ叙ス正親町
帝ノ口宣アリ原文同上天正元年將軍義昭織田信長ト和

セス宇治ノ真木島ニ移ル三家因テ相謀リ輝元ハ安
國寺惠瓊桂奎允元春ハ井上左衛門尉隆景ハ兼久内
藏允ヲ遣ハシ爲ニ之ヲ和解セシム義昭乃チ大和若
江ニ移リ八月又紀州ニ遷ル元春父子老臣今田經忠
ヲ遣ハシ方物ヲ獻セシム内書及從臣副翰アリ各書同上
先是但馬ノ山名宗仙尼子勝久ニ黨ス因幡山名豐國
モ亦之ニ通ス於是元春師ヲ出ス豐國大ニ怖レ和ヲ
乞フ宗仙獨リ降ラス十月元春元長七千餘人ヲ率キ
雲州富田ヲ發シ伯耆ヲ經テ因州篠尾ニ陣シ大ニ聲
援ヲ張ル宗仙乃チ降り部下ノ將士亦降ヲ乞ヒ質ヲ
納ル者多シ於是因但悉ク平ク十二月元春父子解嚴
因州ヲ發シ二年正月富田ニ還リ藝州ニ凱旋ス初メ

將軍義昭ノ紀州ニ走ルヤ志ヲ得ス遂ニ備前浮田直家ニ依ル直家禮セス乃チ備後ニ至リ自ラ毛利氏ニ託ス内書アリ原文三家之ヲ迎へ遂ニ織田氏ト絶ツ先是尼子勝久織田氏ノ兵ヲ借り因幡ニ入り鳥取城ヲ陷レ又私部城ヲ取ル三年八月元春父子大舉因幡ニ入り私部城ヲ攻ム廣家時ニ年十五先登敵軍ヲ撃ツ城陷ル諸城皆潰降勝久但馬ニ奔ル五年信長方ニ本願寺門跡光佐ヲ大坂ニ攻ム大坂來リ援ヲ乞ヒ贈ニ秋廣ノ刀今家ニ傳フ赤熊等ヲ以テス此冬浮田直家上月十郎矢島某ヲシテ播州上月ノ城ヲ守ラシム信長ノ將羽柴秀吉之ヲ圍ム十郎及某屠腹シテ衆命ヲ乞フ秀吉允サス悉ク捕テ之ヲ磔ス尼子勝久尼子氏久

山中鹿之助立原源太兵衛加藤彦四郎神西三郎左衛門以下二千餘人ヲシテ城ヲ守ラシム六年元春丹波ノ赤井刑部少輔石川彌七郎波多野伯耆守荻野惡右衛門等ト謀リ京師ヲ襲フノ策ヲ建ツ曰ク先ツ愛宕山ニ上リ京師ヲ下瞰シ密カニ謀者ヲ遣シ洛中ニ放火シ敵ノ不意ヲ襲ヘハ一戰シテ勝敗ヲ決スヘシ元春乃兒玉市助青木奎允ヲ丹波ニ遣シ龜山ノ城ニ至ラシム時ニ浮田直家使ヲ隆景ニ遣シ曰ク勝久上月城ニ據リ竊ニ美作ヲ徇フ羽柴秀吉亦大軍ヲ率井之ヲ援ク請フ速ニ兵ヲ出セ於是隆景輝元ト議シ書ヲ元春ニ贈リ其兵ヲ合シテ共ニ播州ニ赴ントス元春之ニ答ヘ曰ク阿弟ハ南面ノ兵ト直家ノ兵トヲ併セ

四萬ヲ得ヘシ必シモ我ヲ頼マズ我亦管内ノ兵ヲ收
 メハ三萬ニ下ラス其五千ヲ留メ大友氏ニ備ヘ其餘
 ナ以テ丹波但馬ノ兵ヲ援ケ愛宕山ニ據リ信長ヲ扼
 セハ信長上月ヲ援クルヲ得ス然ラハ則チ秀吉孤軍
 何ノ力カ能ク上月ヲ持セン於是阿弟ハ右馬頭ヲ輔
 ケ直ニ大坂ヲ擣キ我ト挾テ京師ヲ攻メ以テ信長ノ
 兵ヲ殲ニセント隆景其萬全ノ策ナラサルヲ恐レ強
 テ上月ニ赴カシム元春已チ得スシテ之ニ從フ於是
 三家兵ヲ出シ播州ニ向フ輝元ハ留リ備中松山ニ在
 リ遙ニ聲援ヲ爲ス元春子元長元氏元春ノ第二子出テ、仁保氏ヲ嗣ク族ヲ繁
澤ト更メ後毛利ト稱ス子孫累世毛利氏ノ老臣アリ及廣家ト二萬五千餘人ヲ率井隆
 景南北ノ諸將及海兵三萬五千餘ヲ率井播磨ニ入ル

直家病ト稱シ其兵一萬五千ヲ出シ師ニ會セシム兵
 凡ソ七萬餘人進テ上月城ヲ圍ム秀吉荒木村重ノ兵
 ナ合シ凡ソ四萬餘人ニ將トシ來リ高倉山ニ陣ス五
 月信長自ラ來リ援ケントス先ツ長子信忠及ヒ諸將
 ヲ遣シテ秀吉ヲ援ケシム兵凡十萬元長元春ニ請ヒ
 日ク信長自ラ來ラハ兵衆ク令一ニシテ敵スヘカラ
 ス今秀吉村重相和セス宜シク信長ノ來ヲサルニ乘
 シ急ニ之ヲ夜襲スヘシト元春之ヲ隆景ニ謀ル隆景
 日ク信長自ラ來ルモ一二萬ヲ増スニ過キス我兵現
 ニ此ニ在ル者七八萬アリ何必シモ恐ンヤ且浮田氏
 ノ心測リ難シ皆萬全ノ策ニ非スト夜襲ノ議乃チ止
 ム六月我兵敵兵ト熊川ニ戰フ秀吉騎兵三萬ヲ率井

來リ援ク元長弟元氏廣家ト亂流逆戰東兵皆騎シ馳
突シテ來ル元長士卒ニ令シ跪カシム東騎進ム能ハ
ス逡巡シテ退ク元長令シテ起シム合擊再三遂ニ之
ヲ高倉山ニ追フ天野隆重手兵ヲ以テ其横ヲ擊ツ敵
兵遂ニ退ク秀吉力爭スヘカラサルヲ知リ城ヲ棄テ
去リ退キテ書寫山ニ陣ス上月遂ニ陷ル勝久兄弟自
殺ス山中幸盛復降ル之ヲ備中ノ甲部川ニ誅ス將軍
義昭内書アリ原文既ニシテ浮田直家南條元續等我
ニ畔テ信長ニ應ス而シテ荒木村重別所長治等信長
ニ背キ皆來テ援テ我ニ乞フ三家兵ヲ出シテ因伯備
播及作州ヲ攻メ戰爭殆ト虛日ナシ幕府ノ内書諸家
ノ文書數十通アリ各原文元春ノ元續ヲ伐ツヤ元續

大ニ懼レ荐ニ過テ謝ス元春陽ニ之ヲ許ス元續嘗テ
踏舞ヲ好ム元春モ亦之ヲ翫フ乃チ陰ニ踏舞ノ壯者
ヲ擇ヒ踏舞子ニ擬シ踏舞ノ曲舊藩士ノ子弟今猶ソ羽衣石
城ニ遣ハシ期ヲ約シ急ニ掩擊ス元續狼狽城ヲ棄テ
去ル九年因州鳥取ノ城主山名豐國欸ヲ秀吉ニ送ル
老臣中村道與對馬森下春次等之ヲ諫ムレトモ聽
カス遂ニ城ヲ去テ播州ニ奔ル是ニ於テ道與春次吾
親族ヲ迎ヘ立テ、將ト爲サシコトヲ請フ元春支族
吉川經家式部少輔ヲ擇ヒ之ヲ遣ス又丸山ニ城キ之カ聲
援ト爲ス奈佐日本助鹽治周防守佐々木三郎左衛門
等之ヲ守ル元春又山縣九左衛門境與三右衛門ヲシ
テ兵ヲ率井入城之ヲ援ケシム七月七日秀吉六萬餘

人ニ將トシ鳥取丸山兩城ヲ圍ミ摩尼帝釋山ニ陣ス
信長又織田御萬官部善乘坊杉原七郎左衛門等ヲシ
テ一萬人ヲ率井シメ浮田直家ノ援兵ヲ合セ兵凡二
萬餘ヲ以テ後援ニ備フ淺野長政彌兵衛亦三百餘艘ヲ
以テ海口ヲ守ル我兵糧運繼カス數急ヲ藝ニ告ク時
ニ毛利氏ノ兵四境ニ戍シ在ル者甚タ寡シ召募數日
ヲ費ス元春日ク鳥取我管内ニ在リ坐シテ待ツ可ラ
ス九月六千人ヲ率テ伯耆ニ入り後軍ヲ俟ツ十月輝
元隆景ト師ヲ率井富田ニ抵ル鳥取糧盡キ人相食ム
經家乃テ秀吉ノ監使ヲ迎テ丸山ノ守將及ヒ鳥取ノ
舊臣ト自殺シテ以テ兩城ノ衆命ヲ請フ其臣福光小
三郎若鶴甚右衛門殉死ス元春馬山ニ抵リ之ヲ聞キ

切齒シテ曰ク吾猶往テ一戰セント將ニ發セントス
報アリ曰ク秀吉伯耆ニ入ルト乃テ父子留テ馬山ニ
陣ス其兵纔ニ六千餘既ニシテ秀吉至ル八萬騎ト稱
ス種石ノ城後ニ陣シ馬山ヲ瞰視ス馬山湖水ヲ左右
シ後ハ橋津川ニ迫リ纔ニ一橋ヲ通ス元春豫メ命シ
テ橋梁ヲ絶チ舟楫ヲ毀タシメ自ラ走路ヲ絶テ必死
ヲ示ス人々震怖セサルナシ熊谷益田三刀屋ノ輩私
ニ議シ曰ク敵衆新ニ勝其勢當リ難シ先ツ其銳ヲ避
ケ再舉ヲ謀ルニ若カス請フ入り之ヲ説カント乃チ
與俱ニ元春ニ見ユ元春方ニ甲ヲ釋テ坐シ乃チ杯酌
ヲ命シ徐ニ敵陣ヲ望ミ曰ク今日雪降り風烈シ秀吉
山上ノ陣定テ當ニ寒ニ堪ヘサルヘシ我諸君ト圍爐

對酌天寒ヲ知ラス亦快ナラスヤ夫レ主將ノ任ハ寬
ヲ士氣方ニ奮フ時ニ示シ猛ヲ士氣方ニ退ク時ニ示
スヘシ諸君夫レ此意ヲ體セヨト遂ニ醉テ鼾睡ス熊
谷等發言スルヲ得スシテ退ク二十八日秀吉糧ヲ羽
衣石ノ城ニ輸ス元春井上平右衛門山縣宗右衛門ニ
命シ銃手五百人ヲ率井之ヲ擊タシム千代延與介敵
ノ一將ヲ斃ス敵繼テ出ル者萬餘元長廣家等二千人
ヲ以テ之ニ馳セ松崎ニ屯シ戰ヲ挑ム南條元續小鴨
元伴等一萬五千人ヲ率井對抗三日秀吉ニ勸メ戰ハ
ンコトヲ請フ秀吉許サス秀吉我鋒銳氣旺當ル可ラ
サルヲ察シ廿九日遂ニ其兵ヲ斂テ去ル元長之ヲ尾
擊セント請フ元春許サス十年正月元春父子因州ノ

諸城ヲ復セントシ十七日藝州ヲ發シ廿五日雲州富
田ニ至ル二月初旬伯州八橋ニ陣ス時ニ杉原盛重既
ニ死ス其子元盛景盛ヲ先鋒トシ雲石ノ諸將ト四千
餘人ヲ率井大崎城ヲ攻メ城將木下民部大輔ヲ斬ル
廿日元春父子兵ヲ荒神山ニ出ス其夜敵兵城ヲ棄テ
去ル尾擊三十餘人ヲ斬リ遂ニ鳥取城下ノ民家ヲ燒
キ以テ戰ヲ挑ム城將木下備中怖テ敢テ出テス因テ
吉岡城ヲ攻メントス城兵之ヲ棄テ去ル又轉シテ諸
寄ノ城下ニ放火シ土寇數百人ヲ斬ル我兵遂ニ八橋
ニ歸リ徐ニ鳥取ヲ攻ルノ策ヲ議シ大ニ雲伯石藝ノ
兵ヲ徵ス三月十五日秀吉兵八萬ヲ率井備中ニ入り
八幡山ニ次シ荐ニ我ノ属城ヲ略シ進テ龍王山ニ營

シ高松城ヲ圍ム守將清水宗治長左衛門尉能ク防ク秀吉
遂ニ陣ヲ蛙ノ鼻ニ移シ甲部川ヲ堰キ之ニ灌ク宗治
城内ノ染戸ヲ募リ板數百枚ヲ收メ舟ヲ作り出戰フ
輝元隆景急ヲ聞キ援ヲ元春ニ乞フ元春鳥取ノ城ヲ
棄テ赴キ援ケント欲ス山陰ノ將士皆曰ク去歲上月
ノ役佐公我兵ヲ率井自ラ援ケ馬山ノ戰ハ富田ニ退
撓シテ來リ援ケヌ今鳥取幾ト復ス且高松ハ小早川
氏ノ方面ニ属ス佐公自ラ當テ可ナリ何此ヲ棄テ彼
ニ赴クヘケンヤ元春日ク隆景ノ馬山ニ來ラサルハ
必ス故アラシ我兄弟ノ危ヲ聞キ之ヲ坐視セハ獨リ
宗家ヲ如何センヤ諸君往テ欲セサレハ吾寧ロ單身
之ニ赴キ隆景ト死ヲ共ニセント將士其友于ノ情ニ

服シ與俱ニ從ンテ願フ五月廿一日元春父子杉原元
盛ヲ留メ鳥取城ニ當ラシメ自ラ南隆景ニ會シ岩崎
廂山ニ陣ス輝元其西ニ舍ス兵凡五萬人兩陣相持シ
未タ戰ハス隆景先ツ日幡城ヲ攻ム城將木村隼人城
ヲ棄テ奔ル秀吉出戰ハス元長廣家萬人ヲ以テ加茂
城ヲ拔ク秀吉又タ敢テ出戰ハス我兵每戰屢利ヲ得
レトモ獨リ高松ノ城旦夕將ニ沒セントス元春信長
ノ自ラ來リ援ルヲ聞キ隆景ニ謂ヒ曰ク去歲以來我
秀吉ト屢鋒ヲ接ス而シテ未タ雌雄ヲ決スルヲ得サ
ルヲ憾ム今聊我伎倆ヲ示スヘシ隆景曰ク阿兄何ソ
自ラ輕スルヤ宜シク暴進一隊長ノ爲ニ傲フナカル
ヘシ元春日家君一夜ヲ以テ陶氏ヲ滅シ七年ニシテ

尼子氏ヲ亡ス蓋シ小敵宜シク緩ク之ヲ困ム可シ大
 敵ハ宜ク急ニ之ヲ挫クヘシ我北兵ヲ以テ夜其北ヲ
 襲フ卿其南ヲ攻メハ必ス之ニ克ン浮田氏觀望必ス
 戰ハスシテ走ラン隆景曰ク然リ議成ル乃チ諸將ヲ
 部署ス偶陣中流言アリ三澤爲虎欸ヲ秀吉ニ通スト
 隆景曰ク此間ニ方リ我諸將ノ意モ亦未タ測ルヘカ
 ラス宜シク敵ノ來ルヲ待チ戰ヲ決スルニ如カスト
 更ニ戰期ヲ緩センヲ議ス安國寺惠瓊時ニ陣中ニア
 リ素ヨリ心ヲ秀吉ニ歸ス秀吉之ヲ招キ爲ニ和議ヲ
 講セシム曰ク苟モ清水宗治ヲシテ自裁セシメハ中
 國ノ内猶八國ヲ與ヘン子夫レ之ヲ輝元及元春隆景
 ニ謀レ惠瓊歸リ三將ニ告ク三將肯セス惠瓊其遂ニ

肯セサルヲ察シ自ラ城中ニ入り私ニ宗治ヲ諭ス宗
 治曰ク元春隆景我カ命ヲ愛スルノ厚キ一ニ此ニ至
 ルヤ我死シテ以テ兩國ノ師ヲ和シ城中ノ兵ヲ免ル
 可ラシメハ一死我ニ何カアラシヤト乃チ兄月清及
 軍監末近某ト舟ニ乘リ城ヲ出テ徐ニ舟中ニ自裁ス
 惠瓊還リ報ス元春隆景大ニ愛惜シ乃チ盟約ヲ爲シ
 互ニ誓書ヲ送ル於是秀吉蜂須賀家政彦右ヲシテ來
 リ言ハシメ曰ク本月二日信長父子明智光秀ノ爲ニ
 弑セラル秀吉義ニ於テ之ヲ戮セサル可ラス而シテ
 今和約既ニ成ル三將幸ニ之ニ背クナケレハ秀吉當
 ニ速ニ軍ヲ班スヘシト元春隆景乃チ輝元ニ謀リ内
 藤越後守ヲ遣ハシ之ヲ援ケシム秀吉之ヲ辭ス乃チ

弓百張鐵砲五百挺旗三十本ヲ贈ル六月六日高松ヲ
發ス此時ニ方リ紀州雜賀孫市及東福寺中ノ僧某長
谷川宗仁等亦來リ本能寺ノ變ヲ報ス元長大ニ憤リ
元春隆景ニ謂ヒ曰ク我始ヨリ盟ニ與ラス請フ之ヲ
追撃セン秀吉乃チ生擒ニスヘシト元春隆景曰ク喪
ニ乘スルハ不仁盟ニ背クハ不義ナリト乃チ之ヲ止
テ許サス後書ヲ秀吉ニ送り山崎ノ勝ヲ賀ス秀吉ノ
答書アリ原文同上七月山田直清南條氏ノ精兵ヲ襲殺ス
八月伯耆國流言アリ曰ク秀吉上國ニ戰死ス直清將
ニ來襲ントス南條元續小嶋元清大ニ驚キ城ヲ棄テ
走リ京都ニ入ル秀吉笑ヒ曰ク是元春蜚語ヲ放チ戰
ハスシテ城ヲ拔クナリ元春ノ智元續ノ怯兩無雙ト

謂フヘシ是時ニ方リ秀吉既ニ織田氏ニ代リ大阪ニ
城キ之ニ居ル元春之ニ屈下スルヲ羞チ居常快々樂
マス乃チ老ヲ告ケ家ヲ治部少輔元長ニ讓ル十一年
元春子元長廣家ヲ大阪ニ遣ハシ去歲ノ盟ヲ尋シム
十三年島津義久龍造寺ト和ス元春書ヲ島津氏ニ贈
リ其平和ヲ賀ス義久及義弘並ニ伊集院忠棟ノ答書
アリ原文同上是歲秀吉南海ヲ伐ツ元長廣家兵ヲ率井之
ヲ援ク十月隆景元長大阪ニ至ル秀吉諸將ヲシテ郊
迎セシメ曰ク去歲兩川ヲシテ約ニ背カシメハ我豈
ニ今日アルヲ得ンヤト大ニ之ヲ饗ス時ニ秀吉將ニ
島津氏ヲ伐ントス元長ニ囑シ元春ニ請テ先鋒トナ
ス曰ク事平カハ之ヲ封スルニ筑前ヲ以テセン元春

素ヨリ秀吉ノ驅使スル所トナルヲ羞キ肯セス秀吉
乃チ黒田孝高ヲシテ強テ之ヲ促サシム輝元隆景モ
亦慫慂シテ已マス元春止ヲ得ス快々之ニ從フ疽背
ニ發ス十四年三家同シク九州ニ赴ク攻テ豊前宇呂
津ノ城ヲ拔ク我兵井上左馬允城將賀來與次郎ノ首
ヲ獲タリ秀吉ノ感狀アリ原文是歲十一月十五日疽
再發ス元春起ツヘカラサルヲ知リ二子ニ遺囑スル
ニ後事ヲ以テス言一モ其私ニ及ハス遂ニ豊前國小
倉陣營ニ卒ス年五十七始メ元春疽ヲ病ミ稍常ニ復
ス至是黒田孝高兩川ヲ陣營ニ饗ス蓋膳中適遠來ノ
鮭アリ鮭ハ素ヨリ疽ニ害アリ而シテ元春辭セスレ
テ之ヲ食ス其夜大ニ痛痒ヲ發シ遂ニ不治ニ至ル或

ハ云フ秀吉セシムル所ナリト元長廣家ヲシテ喪ヲ
奉シ安藝ニ歸ラシム山縣郡新庄村海翁寺ニ葬ル法
名隨浪院海翁正惠元春幼ヨリ元就ニ從ヒ輝元ヲ輔
翼シ攻城野戰都テ七十六回其全勝六十四餘皆未タ
嘗テ敗テ取ラスト云フ元春卒スルノ後二百八十餘
年王政維新ノ歲二十八世ノ孫經幹從五位守ニ賜ル敕
諡ニ曰ク曩祖元春朝臣忠勇拔群輔佐宗家勤勞王事
武門ノ龜鑑タリト二十九世經健朝命ヲ奉シ歸京ノ
際舊藩士民元春以來三百年ノ恩顧ニ浴スルノ情誼
ヲ以テ官ニ稟シ社ヲ建テ祭之吉香神社ト云フ明治
十八年六月縣社ノ格ニ列セラル於是乎士民相議シ
更ニ其祠宇ヲ宏ニレ之ヲ舊藩主ノ治城ニ鎮座セリ

小早川隆景卿傳

青山 延光撰

小早川隆景稱又四郎。毛利元就第三子也。出繼小早川氏。毛利系圖小早川氏之先出自土肥實平。小早川系圖世為安藝豪族。太平記至亦太郎正平。屬大內義隆。義隆之畧出雲。正平戰死。其子失明。因養隆景為嗣。隆景幼而警俊。年十三質於周防。已而義隆還。隆景謂父曰。君驕臣離。周防必亡。元就異之。義隆果為陶晴賢所弒。毛利家記其後元就謀討晴賢。隆景進曰。晴賢天下罪人。以兵力則天下勁敵。今私討之。是私鬪耳。彼將何畏。不如奏之。天子奉詔討之。元就從之。遂滅晴賢。本朝通紀自是元就兵威日振。削平諸國。隆景之力居多。安西軍策為左衛門佐。及元就卒。以孫輝元年

少。遣命隆景攝國事。古今城足利義昭與識田信長構隙。走依輝元。隆景居備後三原。助義昭謀納之京師。鎮西天正十年。信長使羽柴秀吉攻備中高松。隆景與輝元出兵相持。方議和未成。信長遭害。秀吉告之輝元。輝元會衆議之。衆或謂秀吉可擊。隆景曰。不然。應仁已降。天下大亂者百有餘年。亂極必治。今乃其時。而秀吉智畧超邁。英氣蓋世。天必不虛生此人。則今日之變。蓋天之所以開秀吉也。何則。兩軍相持。而禍變猝作。況和議將成。先盟約而後告變。此常人之情也。秀吉則不然。聞變不懼。故緩和議。告以情實。令我審議。此豈易及哉。以此討賊。何所不克。而我若構怨他日。必將逞意於我。我何以拒之。不如當其危迫。結其驩心。彼必感喜將厚待我。此保國之長策也。輝元然之。

乃講和。參取太閤記 秀吉諸藩翰譜秀吉引還。衆或欲追躡。隆景曰。神國

之人。何可慢神背盟。衆乃止。毛利秀吉果得志於天下。因

深德隆景。十三年。令隆景擊伊豫。伊豫平。乃封以伊豫。食

三十五萬石。備中明年隆景往大坂。秀吉饗之曰。高松之

役。先君遭難。危急之際。子能助我。我由是滅賊。此恩何可

忘也。秀吉將伐薩摩。隆景與黑田孝高帥兵赴豐前。攻宇

呂津香春嶽諸城。拔之。安西及秀吉出師。隆景渡耳川。擊

島津家久。破之。鎮西薩摩平。秀吉令隆景處分豐後大隅

國事。事竣至博多。秀吉勞之。秀吉以九州新定。謀置鎮將。

乃以隆景爲九州探題。鎮西要略

郡。食七十萬石。鍋島命城井長野諸族隸之。九州治以名

島險要。漕運亦便。命居焉。鳥鍋家譜名島據隆景撫緝人民。

境內悅服。時方爭亂。神祠率皆殘毀。隆景素敬神。乃令國中悉加繕修。筑前續風土記已而肥後亂。隆景與諸將討平之。西鎮

要秀吉為奏叙四位任侍從。安西軍策小田原之役。隆景

留守尾張清洲。頃之。秀吉召隆景於小田原。問曰。此城不

可猝拔。我欲留諸軍暫歸。洛如何。隆景曰。不可。今日之計。

宜緩攻。休兵嚴設警備。以示持久。然後命將士歌舞謹諫。

以振倦怠。則士氣日奮。城兵日困矣。秀吉曰。子先人亦嘗

用此策乎。隆景曰。然。秀吉從之。城中果困。遂克之。翁物語

談關東古戰錄秀吉益服其智。一日圍棋思窮。歎曰。此隆景之所

不能救也。武家問談朝鮮之役。命隆景為謀主。國恩錄帥兵赴之。

立花宗茂等屬焉。朝鮮征伐記諸軍既入漢城。石田三成問曰。

君老於兵者也。吾輩恐有遺策。願聞君意。隆景辭。三成強

之。隆景曰。諸君之策固善。然皆見其利。未見其害。萬一挫

敗。何以救之。三成乃悟。謀築城寨以相聯絡。作圖示之。隆

景稱善。是後我軍雖不利。敵不得窮躡。隆景之力也。翁物語

諸將分路略地。隆景赴黃海道。隱峯野史守開城。浮田秀家聞

明兵陷平壤。召還諸將。隆景奮曰。我軍設諸寨相應。援正

為今日。安有敵未至而預棄城者。我初不期生還。今遇明

兵摧鋒陷陣。縱騎蹴踏。顧不快邪。不利則暴骸原野。失一

將。何足辱國。參取秀吉譜毛利家記大谷吉隆單騎來開城。謂曰。子徒

死於此。是辱國也。不如與諸軍合勢以決一戰。隆景曰。他

日必以我為先鋒乎。否。吉隆曰。諾。參取毛利家記於是隆景令

諸將先往。身自斷後。比至臨津。李如栢兵至。隆景登高望

見曰。吾聞敵甚眾。今乃不過十萬。我兵四萬。可以一戰。但

敵多騎兵。我兵以銃斃馬。馬斃而後。徒手縛之耳。乃令弟秀包及黑田長政陣山上。既戰。敵馬多斃。秀包等從後奮擊。如栢敗退。本書不載明將。隆景乃收兵。濟臨津至漢城。不名今據平壤錄。入陣城外。諸將勸之入守。隆景曰。今若城守。明兵來圍。則舉城饑窘。不亦危乎。三成等乃來見。隆景曰。太閤雄武所向無前。卿等從之。未嘗負敗。故轉敗為勝。卿等不能。我則屢經危險。今日之事。但委我。今眾寡懸絕。縱有一二小勝。譬如驅蠅。一時飛散。俄頃攢聚。非死戰不足挫其銳。且我引軍至此。恥也。不宜退縮。以益恥。死中求生。正在今日。已而明兵至。相去僅十里。毛利諸將或請先鋒。隆景曰。我既約之。誰得復請。呼立花宗茂。戒之曰。子猛將也。今日之戰。必疲敵。然後可擊。勿負勇輕進。毛利明日宗茂

遇明總兵查大受於礪石嶺。斬級數百。毛利家記參取慇懃錄隆景分

軍為三。粟屋四郎兵衛將一軍。井上五郎兵衛將一軍。自將一軍。秀吉與諸將進至碧蹄驛。李如松來進。隆景固陣

不戰。毛利家記參取慇懃錄我軍在嶺下。明人不測其多寡。大谷吉隆

來謂隆景曰。立花君既挫敵鋒。諸君宜乘勢還城。隆景曰。今若引還。明兵追躡。闔軍殲焉。何得入城。令曰。見嶺上旗

舉。則進戰。眾見旗舉。進戰。毛利明兵望見我兵盛。大懼。慇懃

錄。粟屋與如松先鋒戰而退。井上督眾進戰。宗茂等繼之。明兵少卻。隆景麾眾乘之。兩軍大戰。自巳至午。秀吉明兵

北騎無火器。只持短劍。我軍皆用長刀。左右揮擊。人馬皆

靡。無敢當其鋒者。慇懃錄如松墮馬。井上突進將刺。秀吉明

史倭金指揮李有昇。以身蔽如松。我軍斬之。明史明紀明

兵扶如松逃去。我軍逐北至臨津。明兵多溺。隆景戒諸將不窮追。秀吉譜如松為之奪氣。德彬錄初隆景渡海。日夜嚴警。

慮士卒疲困。不許遠出。日行兵不過三里。諸將或憤其緩。及行長等敗。諸將駭愕。不知所出。隆景獨奮然建策。一戰而克。諸將始服其膽略。立齋中聞記吉隆問曰。子不戰移時。一

戰輒勝。其術如何。隆景曰。明兵新至。其氣方銳。我持重不戰。彼以為怯。銳氣始衰。而我後軍益至。敵於是乎有懼心。

此我之所以克也。吉隆曰。非所及也。隆景曰。昔神功皇后征此國。神實助之。今日之戰。亦安知無神助也。諸將益服。

毛利家記諸將將還釜山。懼城中士民應明人。眾議不決。獨隆景睡不應。三成呼曰。此豈鼯睡時乎。君意如何。隆景曰。縱

火諸營。乘烟撤兵。明兵驚愕。何暇尾擊。眾皆曰。善。遂縱火而去。明兵果不追躡。秀吉譜後與諸將攻晉州。拔之。及和議

成。旋師。秀吉一日饗隆景。用公卿饌具。隆景怪而辭。秀吉曰。我為子。奏任中納言。然知子之固辭。故今日因饗告之。

隆景感泣。時秀吉子養姪秀秋。或欲使輝元養之。隆景憂之曰。我寧代宗國。乃請秀吉養秀秋。秀吉悅而許之。毛利家記

後置五老。隆景預焉。秀吉譜慶長二年薨。年六十三。毛利系圖隆景謀略沈審。深為秀吉所倚賴。嘗曰。隆景在。西。是吾一

臂。備中軍記及卒。尤悼惜焉。毛利家記隆景嘗謂輝元曰。我嘗與僧惠瓊侍太閤。太閤語及先妣。涕泣橫流。惠瓊亦流涕。此以

偽要寵也。而太閤不悟。愈益愛之。他日為亂魁者。必惠瓊也。關原軍記後病篤。遺言曰。天下雖亂。慎勿爭天下。但當保國

耳。若忘我言。禍其至矣。輝元果為惠瓊所誘。終至蹙國。秀吉

野史氏曰。小早川氏智將也。終身事業無非智者。而其智之明亦由其好義。此乃父之遺風。而諸將之所不及也。當此時天下皆尚勇武。而小早川氏獨以智擅名。然古人所謂真智大勇者。小早川氏近之。太閤倚賴。良有以也。

鹽谷世弘撰

小早川隆景本毛利氏陸奧守元就第三子也。陰德太平記云。小字又四郎。後改左衛門尉。文武鑑云。任筑前守。以元就意出承小早川正平後。因冒其姓。幼聰敏絕人。年十三。質於大內義隆。居三年而歸。密白元就曰。大內氏必亡。義隆驕奢無度。不躬其政。陶晴賢積諫忤旨。相良武任阿諛逢迎。乘閒譏之。群臣厭義隆。惡武

任。歸心晴賢者多矣。夫上疎之而下歸之。晴賢之反可立矣也。元就領之。其後數年。晴賢果弒義隆。悉篡其國。於是元就將發兵討之。召諸將會議。皆以眾寡不敵難之。隆景獨曰。臣聞順道者興。逆道者亡。兵有名者勝。師無義者敗。晴賢凶逆。天人所不容。今若告其罪天朝。奉王命。以誅無道。則賊徒雖眾不足患也。元就大悅。遂用其策。誅晴賢於嚴島。隆景兄元春亦承吉川氏後。又英武善戰。元就起自吉田。削平山陽山陰。蠶食豐筑。元春隆景常督之。先鋒所向無敵。世呼曰兩川畏之。而隆景尤長於籌策。深為元就所倚賴。臨終付以後事。且曰。輝元視隆景為父。隆景視輝元為子。與元春戮力以寧境內。輝元嗣立。凡軍國庶事。無巨細悉委隆景。隆景亦傾心輔之。天正五年。織田右府遣

羽柴秀吉。徇備作以西。輝元使元春隆景往備之。十年右府將大舉自征之。輝元懼請成。秀吉刻日約盟。會明智光秀弑右府。凶聞至。秀吉故緩其期。自出巡軍。輝元恐和議敗。屢遣人趣盟。秀吉見使者。詳告以實。且曰。吾且還兵誅賊。若和與戰。唯汝主之所擇。使者反命。輝元大喜。召諸將議戰。隆景曰。不可。彼聞變。既信宿矣。以情言之。宜秘喪速盟而去。今乃連卻我使。不秘大事。以觀我去就。臣令人伺其陣。詞語整蕭不異平日。是其膽畧可知已。我如乘釁。彼在死地。我在散地。捷未可必。而彼譬我必深矣。光秀狂豎。斃在旦夕。而織田諸子庸才。柴田瀧川諸將。皆無霸才。而獨秀吉才雄望隆。是天或啓之。今視厄不渝。彼必德我。宜雖伏遵約。極難討賊。彼倘得志。我高枕有疆土。此十全之

策。輝元從之。乃令福原廣俊弔且結盟。毛利秀包出質。遣兵助之。於是秀吉還兵。誅光秀。遂霸上國。拜內大臣。居久之。內府秀吉遣兵征四國。令隆景徇伊豫。陷丸山高尾城。既平。賞以其地。其明年內府陞關白。將征九州。先使輝元及元春隆景畧之。所向風靡。事定。更封隆景于筑前。治名島。於是大修政教。蠲苛法。布寬典。務與民休息。境內悅服。嘗慨喪亂之久。人不知學。乃募足利學規。設黌舍。建孔廟。行釋菜之禮。使士人入學。親臨勸勉之。吏民觀聽。靡然成風。治爲天下最。關白久器重隆景。及嘗朝京師。爲奏拜從四位下侍從。關白親征小田原。使隆景留守清洲。尾小田原久未下。關白患之。馳召隆景問策。對曰。臣先人善陷城。每誘敵以內應。即不成謀。洩情見。衆心猜懼。無有堅志。然

後乘隙襲之。故取之必不費力。殿下少試之。關白稱善。於是令人密貽書於敵將松田憲秀。啗以利爲內應。旣而事覺。憲秀伏誅。然由是人情危懼。城遂陷。先是。輝元無子。叔父元清之子。秀元少而穎敏。宗族共白以爲嗣。輝元夫人穴戶氏。其老隆家之女也。隆家有子。曰吉內。夫人取養之內。鍾愛無比。時或諷輝元欲立以爲嗣。隆景聞之。恐其言之或入。乃見輝元曰。日使秀包質於豐臣氏。顧彼必以本宗輕之。不若擇宗族最重者代之。以固其意。君盍遣吉內。夫人聞之。日夜憂懣。求所以免之。隆景又謂輝元曰。臣熟慮前議。君已定秀元爲後。則吉內與秀元輕重自異。諸遣秀元。輝元從之。夫人大悅。由是秀元後嗣之議竟堅。時關白亦欲以其姪秀秋爲巨藩後。心擬毛利氏。隆景時在大

坂。竊揣其旨。因欲自代宗受殃。見豐臣氏近習典藥甲曰老夫溝壑在近。而無繼嗣。欲追今請秀秋爲養子。願子爲我私言之。典藥伺閒入告。關白大悅。於是隆景請秀秋爲已嗣。遂令輝元請定秀元爲世子。文祿元年春三月。太閤遣兵征朝鮮。隆景將一隊。夏五月。我師陷王京。浮田秀家與三奉行石田三成增田長盛大谷吉隆守王京。而小西行長進次平壤。自平壤至王京百餘里。諸將皆築寨以保之。隆景守開城。冬十月。明使將軍李如松等至。諸將相議皆撤守會王京。隆景獨不可。曰。大同江以南。築寨相保者。本以備明師也。今聞明兵至。未加一矢。交一兵。而恒撓遁去。何以塞爲。且吾初受命。奮不顧身。明兵新來。當決戰。以輝我武。吾齡已頽。死不足惜。且失一將。亦未爲損王事。諸

君自擇去就。吾決不棄此。諸將然之。秀家等聞平壤之敗。大懼。亦遣人召隆景還。使者三反不聽。吉隆自往說之。隆景不得已從之。乃撤開城。距王京三里而陣。立花宗茂毛利元康毛利秀包屬焉。於是三奉行出見之。又懇勸入保王京。隆景曰。不可。今明兵已迫。我若退則彼必乘之。彼以大軍圍城。則糧道隔絕。士卒漸散。將自救之不暇。何以得拒之。且敵大軍麇至。假令一再破之。散而復聚。退而復來。進退之間。吾必承弊。今日之事。但當一戰挫其鋒。公等唯整列。以徐繼我後。二十四日。李如松將蕃漢步騎十餘萬。陣于碧蹄館。於是隆景分其兵爲七隊。宗茂爲先鋒。衆凡二萬四千餘人。是日會宗茂及其老小野和泉。謂曰。君膽勇有餘。常好血戰。今明兵衆盛。非一時豕突所能屈也。但

當審其虛實。進退適宜。以制全勝。和泉老成具知軍機。君善用之。宗茂許諾。廿五日黎明。宗茂出兵。與明先鋒查大受。朝鮮將高彥伯。遇礪石嶺。力擊破之。斬首六百餘級。明人稍收兵卻。隆景堅陣不敢動。頃之曰。可矣。令宗茂及元康秀包依山結陣。而自縱精銳擊之。我士勇兵銛。擊刺如飛。莫不一當百。戰方酣。宗茂等乘高馳下。橫衝其中堅。明師大敗。如松墜馬。井上五郎兵衛揮槍堪之。未至身。明將李有聲捍之。如松僅免。衆鈎有聲支解之。時我軍萬健鬪。貴逐。幾獲如松者數矣。其別將楊元等援至。竟得脫走。追蹙之臨津。斬馘五萬。僵尸成丘。臨津爲不流。而我師所裘亡。裁百餘人。如松走坡州。當此時。諸將兵五萬餘人。皆繼隆景後。莫敢縱兵。自隆景後觀其督戰。皆讐伏以爲神。至

是入賀。因問曰：君不乘宗茂之捷擊之。其策何在。隆景曰：虜不利而引退。必量我擊之。而我出其有備。未易克也。我且按兵不動。以示不戰。彼銳氣自衰。而我隨而乘之。此全勝之術也。且我急出兵。則後繼亂。次爭進。幡旗必亂。而彼隨擊之。是自取敗也。是以移時耳。諸將謝不及。而李如松克平壤。鋒銳甚。至是膽落。不欲復戰。令沈惟敬議和。是時我師亦餉饟乏絕。行長及三奉行。皆氣倦思歸。竟權定和議。四月。諸軍將退保釜山浦。時我師久屯王京。朝鮮土民皆來歸就業。諸將慮其或與明人相約以斷歸路。以爲殺之則不忍。逐之或激變。衆議不決。隆景坐睡不言。石田三成厲聲曰：班師大事。侍從豈閑適之時。隆景徐起。對曰：諸將之議。各有理。吾復何言。然今隸諸隊而執政者。鮮人居

其半。若悉逐之。則費用雜器。誰耐負擔者。不如縱火城中。乘煙撤兵也。明師望之亦惶怖。必不敢躡後。諸將皆曰：善。於是悉燒諸營。固列徐退。後先相顧。分番輪殿。時明師屯于烏嶺。懼不敢迫。師渡漢江。隆景命斷橋沈船而退。竟達釜山浦。時隆景取途全羅道。行五六里。入山徑。左右皆斷崖。問諸土人曰：謂之全州王墟也。乃命連柵峯上。令將校守之。命伐樹木布諸蹊間。士卒莫諭其意。皆竊笑之。至夜敵數萬至。乃下令曰：若有不待命而敢放一銃者。斬。敵兵益迫。於是分其兵登左右峯。烏銃雨下。丸無虛發。敵軍大敗。伏木死者萬餘人。時謂之全州伐木之策。十一月外師半撤還。太閤深喜隆景碧蹄之功也。欲陞之中納言。慮其不受。嘗燕諸侯。爲具食如公卿膳。以當隆景座。隆景料膳

人謬設。遂巡避之。太閤歡笑具告之故。且曰。既歷王命。當入朝而拜恩。隆景感泣而謝。遂超遷從三位中納言。四年請骸骨。立秀秋與之筑前。而自退居三原。備後謝絕世故。優游山水間。諷詠自娛。平素好點茶。觀時人競造茶室。尙日侈。遂絕不復爲。年六十三而卒。慶長二年六月。太閤聞訃。慟曰。惜夫天下之幹也。隆景器量沈宏。有大慮。見事如神。及病革。遺狀誠輝元曰。豐臣氏有亡徵。天下不久當分崩。子慎保四境。勿預外事。子之才有餘於守。而不足於進。若越境爭事。則削弱之禍必至矣。後果如其言。性又至誠忠亮。雖身在外藩。不須臾忘宗國。自請秀秋爲後。太閤益親之。嘗有上書告其反者。太閤大怒。命斬其首送之。其信任率類此。文祿末拜五大老。處決大政。時石田三成貴寵用


事。性狡獪猜忌。喜陷正人。獨至隆景不能中傷。克以功終。外史氏曰。元龜天正之間。何其亂極而材多也。豈非亂極故材乃見歟。若小早川隆景在其中最杰然者。余幼好讀書國乘。夙得此人而崇慕之焉。近見肥後人藪子厚。記隆景請秀秋爲嗣之事曰。懼豐公之暴。故請之。因引鄭求嗣於莒。而春秋書滅。以深罪之。至言以祖先之國。而屬之道塗之人。國雖存與滅。何擇。予竊疑隆景之心不至此。徧閱野史見之。錄此事不甚詳。最後得毛利秀元記者。讀之多載隆景事。於請嗣始末特詳備。大異於子厚所記。因所具梗概而叙次之。庶幾使先哲之心事。白于千載云。


毛利隆元卿傳ハ一ハ吉田松陰先生一ハ山縣太華先生の撰する所よしてもとよ常榮公傳と題せられたるもの吉川元春卿傳ハもと元春略譜と題し曩に三百年祭典のとき吉川家より同好お願かされしもの小早川隆景卿傳ハ一ハ青山佩弦齋先生一ハ鹽谷宥陰先生の文よしてまた題名の書きふりもあたり然るを今此等の諸篇を編次するに當りその體を均くするため題名をおかじ様に改めたり隆元卿傳ハ二文互に相似たる所多しされど如何なるわけありしや知るへからず但松陰先生の文前に成りしものと思へるそもく本書に掲ぐるものハいつれも諸公の略傳と云ふに過ぎず其詳傳を立つるに至

りてハ事繁ク文長クしてあか／＼小冊子の盡し得
へきことにあらず故に本書ハ唯三公美事の要領を
世人に知らしめ併せて名家の文を傳ふるよあるの
と明治辛卯の竹醉日東京の四谷ある柳外書屋に於
て看雨隱士村田春信謹てとるす

明治二十四年五月三十一日印刷

明治二十四年六月廿一日出版

編輯者 山口縣士族 村田 峯次郎


發行者 東京府士族 稻垣 常三郎
同神田區淡路町一丁目一番地


印刷者 東京府士族 堀田 道貫
同京橋區山下町二十二番地




5

長周洞春公畧譜
常榮公畧譜
叢書天樹公畧譜
大照公畧譜

九合冊

江氏中興祖宗畧譜序

恭惟洞春公當豪傑分爭之時。起彈丸之地。席卷
山陰山陽盟主。實江氏中興之祖也。天樹公紹厥緒業。有
入州之地。任西伯之重。革命之際。守顧託奉遺孤而復猶
封三州。列居大藩。大照公弱齡受封。經理新造之邦。朝聘
貢賦。職官條令。百爾儀法制度。於是乎成。可以為中興之
宗也。夫子孫百世。雖在襁褓。帶礪不渝。襲茅土封。南面稱
孤者。雖因國家之渥恩。亦實以祖宗之功烈勤勞也。往昔
祖宗各創一寺。以為安牌薦福之處。而猶恐展敬崇奉之
未至。乃建靈廟於春日祠中。歲時奉祀。而前年罹災。移神
位於精誠殿中。後不復興修。寡人襲封。悲追孝之典有闕。
寶曆壬午。命有司卜地城中。新建靈廟。秋九月十四日。遷



No. 1645/171V



神位於新廟。乃欲永世享祀。竭其誠敬。以報貽厥之萬一。上。茲命儒臣。粗采錄其功德事業。以示子孫。於無窮。常榮公少負荷重任。幹蠱孔劬。惜乎早其世。功業不終。併錄其事蹟。以附洞春公後云。

洞春公畧譜

安藝周防長門備中後因幡伯耆出雲隱岐石見十州伯毛利洞春公諱元就。姓大江。其先出自平城帝。帝長子贈

一品阿保親王。親王長子從三位左衛門督音人公。始冒



大江氏以來。大枝本主者。天穗日命裔也。阿保親王侍妾為嗣子。親王諸子皆賜姓在原。音人。公。本主。即以為大。江。氏。也。又音人。公。請。朝。改。枝。為。江。所。世。傳。儒。業。立。

朝侍讀。職扇文化。翻敲鴻猷。又其所作和歌。則見勅選諸

集。維時公為醍醐。朱雀。村上三朝侍讀。進中納言。贈二位。

匡房公為祿三條。白河。堀河三朝侍讀。至正二位。大宰權

帥大藏卿。公兼精韜畧。為鎮守府將軍源義家師。大官令

廣元公。為右大將源賴朝創業元老。總鎌府政事。歷任賴

家。實朝。賴經。其子季光公。始稱毛利。食邑。相州。愛甲。郡。季

光公之孫。刑部少輔時親公。初居藝州吉田。屬高田郡時親公九世孫。治部少輔弘元公。奉足利大將軍命。屬大內政弘。屢有戰功。夫人福原氏。式部大輔廣俊女夢日光入懷。而有孕。實以明應六年丁巳三月十四日生公焉。永正三年丙寅。弘元公薨。長子興元公立。弘元公臨薨。分多治比屬藝州為公采地。居猿懸城。十三年丙子八月二十五日。興元公薨。幸松君嗣。時纔二歲。武田元繁叛大內義興。侵擾隣境。圍有田城。屬藝州。我之屬城。十四年丁丑十月二十二日。公往救之。時年二十一。初臨戰。以寡破衆。遂斬元繁及其黨熊谷元直。義興大賞其功。大永二年壬午。尼子經久出軍藝州。請幸松君為先鋒。攻阪城。公奉君陷之。明年夏經久復出北池田。屬藝州攻西條。幸松君為先鋒。如初。公復奉君陷之。時主幼

兵寡。拒其命。則我先被其難。是以權屬經久。七月十五日幸松君夭。長臣相議。迎公立之。八月十日入吉田。其後公弟元綱。密有奪宗之謀。尼子氏援之。公知其謀。大怒誅元綱。復屬大內氏。天文二年癸巳九月二十五日。叙從五位下。又任右馬頭。大永七年秋。稱少輔。於是任官。六年丁酉。常榮公質于大內氏。防州山口。九年庚子九月四日。尼子晴久率兵三萬。圍吉田。公數戰城外。破之。蓋公叛尼子氏之後。屢破雲兵於備藝間。攻沒其數城。是以晴久來伐。十月三日大內義隆遣陶隆房率兵來援。十年辛丑正月十三日。公出攻雲兵所次。宮崎長尾壘。大破之。悉焚其營。斬三澤高尾等二百餘人。皆雲之良也。又隆房擊晴久于三塚山。斬尼子久幸。其夜晴久潛軍去。我兵追之。雲兵迷

雪溺水。死者無數。於是備藝諸將。多屬大內氏。十一年壬寅。義隆大舉伐雲州。公及常榮公從之。十二年癸卯正月。義隆欲移軍於經羅木山。直逼富田。尼子氏所都。公諫曰。尼子氏城堅國大。其兵習鬪戰。不可力攻。不如距城三五里。固我壘壁。以謀撓之。不聽。移軍。雲絕我糧道。於是五月義隆引兵歸。公爲殿。雲兵追急。渡邊通冒公名戰死。三戶井上兒玉。赤川等皆奮戰。乃得歸。十六年丁未傳國。立常榮公以爲主。十八年己酉夏。公朝山口。十九年庚戌七月。誅井上元兼之族。其族伐功負強。不從法令。公容忍數十年。於是誅之。二十年辛亥秋。陶隆房後晴賢稱全姜。弑其君大內義隆。以大友義鎮弟晴英後義長爲其嗣。公欲討其罪。而力不足。權屬大內氏如初。隆房素憚公。欲使蹈危險。乃命公擊

備藝諸將屬尼子氏者。公屢出戰。破軍拔城者數矣。又與晴久戰。備後泉荻瀨破之。二十二年癸丑。石州吉見正賴。惡晴賢凶逆。起兵據三本松城。晴賢遣兵擊之。令公率兵來會。公不應。遣兵援正賴。二十三年甲寅春。晴賢率兵圍三本松。五月十二日。公擊兵討晴賢。與晴賢兵戰於藝州石道。二十日市。斬首數十級。乘勝直入佐東。降金山城。櫻尾。草津。仁保島諸城。不戰而降。晴賢聞之。與正賴平而歸。公及常榮公在佐東。經畧防州。屢出兵。與晴賢兵戰於防藝間。皆破之。又戰於藝州折敷圃。大破之。斬其將官川房長。公計晴賢必大舉來伐。彼衆我寡。其勢不敵。不若誘諸險隘。出其不意。以決勝敗於一時也。於是城嚴島。遣將士守之。晴賢陷其謀。悉起其兵。來圍新城。弘治元年乙卯九

月晦夜。公及常榮公冒風雨。潛軍渡海。不留隻船。以示必死。十月朔。黎明登橫山。瞰晴賢所營塔岡。鼓譟而下。破柵直入。營兵猶在夢寐。以爲自天降。周章奔潰。如狂瀾倒。晴賢遁奔。索船不獲。自殺於海岸。三浦房清。弘中隆包等亦戰死。斬獲凡五千餘人。沒海者。不知其數。是月取防州岩國城。移軍。杉森隆康以蓮花山城降。拔倉懸山城。斬杉隆泰。明年公猶在岩國。擊伊賀地。山代。玖珂。下松等處晴賢餘黨。三年丁巳三月。降須須萬城。拔若山城。陶長房敗死。乃移軍於松崎。大內義長及內藤隆世。出山口。奔長府。遣福原貞俊。志道元保擊之。四月義長隆世皆自殺。公自防州歸。永祿元年戊午夏。公及常榮公往石州。圍溫湯城。城將小笠原長雄降。是時正親町帝踐阼。歷年而海內擾亂。

貢獻阻絕。未能行即位禮。公乃獻穀數千石。三年庚申正月二十七日禮成。二月十五日下詔褒之。任陸奧守。賜桐菊章。八月八日足利大將軍義輝。賜錦袍。四年辛酉公經略石軍。攻福屋隆兼。八月義鎮乘其虛。攻豐前門司城。常榮公軍山口。隆景率兵往援之。屢戰捷之。十一月義鎮兵解圍去。十二月八日義輝進公班列。相伴衆。隆兼屢戰不利。五年壬戌二月棄城逃。公遂入雲州。是年五月十八日叙從四位上。尼子氏之將本城常光。赤穴久清。湯原春綱等相續以城降。既而常光獨負其衆強不從。公令乃誘誅狗之。斬首千三百餘。又進軍洗骸崎。屬島根郡山上築城。城中列肆集商賈。以示持久。又構砦于和久羅山。蹙白鹿城。且逼富田也。雲人大懼。乞降者益多。冬義鎮兵圍豐前松山。

城。常榮公復歸軍防府。遣兵援之。六年癸亥義輝命公。與義鎮平。聖護院法王。久我納言。居間和議成。八月四日常榮公暴病。薨於藝州佐佐部。訃至雲州。軍中失色。公獨無憂色。命諸將急拔白鹿。以慰其靈。諸軍奮激。傅城。遂拔羅城。焚外郭。九月城中糧盡而降。是時天樹公猶幼。公復爲主。令於國中。七年甲子春。公疾。義輝使鑿道三來。九年丙寅。富田城中食盡。士衆逃亡。留者僅可三百。欲一戰而死。公不敢出兵。於是尼子義久請代其士衆自殺。公不忍其死。許降。十一月二十八日義久。倫久。秀久兄弟三人。出城降。尼子氏國滅。十年丁卯二月。公自雲州歸。十一年戊辰四月。豫州河野通直請援兵。乃遣元春。隆景。及諸將攻大津城。城將宇都宮豐綱降。是年義鎮背盟。欲擊我。管下筑

前宗像。秋月等。乃遣元春。隆景援之。九月拔豐前三岳城。冬圍筑前立花城。義鎮援兵數萬。對壘屢戰。十二年己巳四月。公及天樹公出軍長府。閏五月拔立花城。是年六月尼子勝久。舉兵入雲州。十月大內輝弘。亦入山口。乃使元春。隆景。歸擊輝弘。輝弘兵敗。自殺。是月公及天樹公自長府歸。勝久者。尼子氏之族。爲僧在京。尼子氏遺臣。山中幸盛等。奉之爲主。伺隙入雲州。攻陷六城。聲勢大振。元龜元年庚午正月。天樹公率諸將伐勝久。二月戰於富部。大破之。復數城。乃天樹公歸。獨留元春伐之。二年辛未六月十二日。公疾。十四日薨。得壽七十有五。法諡曰賴洞春。葬吉田大通禪院。三年壬申四月。勅贈從三位。其後又祭爲神。其祠曰神性靈社。今改奉神號。曰仰德大明神。公自幼聰

明。器度深宏。仁厚恭儉。沈勇不撓。雖蹈危難。臨大敵。羽檄頻馳。矢石交前。神色不動。舉止如常。至射騎劍鎗格鬪。飛捷之技。皆過絕人。好古講學。聘高倉兵庫頭於京師。以爲師。又善和歌。其集有詠草一卷。其奉已也。素朴。無聲色之好。居常不安寢。臥牀置筆札。從覺視案牘。書機務。明且施行。其不怠如此。其接人也。雖卑賤者。假以顏色。使盡所言。是以下民疾苦。群臣短長。土地險夷。敵國虛實。無不知也。將士受命奔走。冒危遭艱。纔得免者。皆意罷仕。以終天年。及歸見公。莫不感服其賞勞。曲至者。皆幡然謂。如復用吾。水火不辭焉。每戒常榮公及元春隆景。汝等隸募同輝。相與戮力同謀。經營家國。有如相違怨。則禍患立至。勿事技能。勿好遊樂。唯當志於富國強兵之術已也。先薨數日。召

天樹公及諸子長臣。遺戒曰。賞有功。擧賢能。勿以寵加祿。勿以疏失賞。勿非古變法。夫以國家奉一身。不問臣民之愁苦。飾宮室。美衣服。好逸遊。耽聲色。破財盡民者。天地所惡。神明所怒。必亡身滅國。流臭名於後世。可謂大不孝也。爲大臣者。寡慾不奢。教君奉公。啓沃不怠。爲政無私。察士民之疾苦。薦賢擧能。使下無一恨。上者可謂大臣也。公之用兵。變化如神。多奇謀秘計。是以大小戰。凡二百二十餘度。未嘗敗衄。戰必勝。攻必取。其初在吉田。藝州三十七豪之一耳。既滅陶氏。管領五州。又滅尼子氏。遂爲十州伯。初相共締交同盟者。皆北面稱臣。其取防雲。悉除苛政。撫以寬恤。民嚮化。父母不啻也。仁厚之德。有麟趾之應。公子振振。若元春隆景。翊贊功業。垂名竹帛。嗟呼盛哉。嫡夫人吉

川氏。生常榮公。穴戶隆家室。元春。隆景。元春嗣吉川氏。隆景嗣小早川氏。繼配三吉氏。生上原元將室。元秋。元俱。元康。元秋爲富田氏。元俱爲出羽氏嗣子。乃美氏生元清。元政。秀包。元清爲穗田氏。元政嗣天野氏。秀包爲大田氏。

常榮公畧譜

常榮公。諱隆元。洞春公長子。母吉川國經女。大永三年癸未。生於吉田。幼稱少輔太郎。天文六年丁酉十二月朔。質子於山口。十九日冠。大內義隆賜諱字。至十年辛丑。在山口。義隆禮遇甚厚。十一年壬寅春。義隆自將伐雲州。公與洞春公從之。十二年癸卯五月。義隆敗退。公從洞春公。肩危難而歸。十六年丁未八月十二日。任備中守。是年受洞春公讓嗣立。而不敢自專。機務軍謀。悉奉洞春公指麾。十八年己酉夏。公與洞春公朝山口。義隆妻以女。實內康與盛女。義隆二十三年甲寅夏。公與洞春公舉兵討陶晴賢。已降。佐東。洞春公即欲營金山城。以老焉。公固請而止。軍國之命令。出洞春公如初。弘治元年乙卯五月。晴賢遣兵攻嚴

島城。公軍草津。援之。晴賢兵敗走。九月洞春公襲晴賢於嚴島。將乘艦。語公曰。吾冒艱險。擊大敵。生死難期。汝宜留。後以經營家國。對曰。渡海將士皆死亡。則雖使翁在。當難克其後。況不肖乎。乃斷帶端。示不復結。先衆乘艦。於是將士皆分必死。乃一戰殲晴賢。又與洞春公。進經畧防長。三年丁巳夏。遂滅大內義長。而凱歸。公歸之後。晴賢餘黨起處處。十一月十八日。公復率衆擊之。防長悉平。永祿元年戊午夏。從洞春公。擊石州小笠原長雄。降之。三年庚申正月。正親町帝行即位禮。洞春公獻穀。辨其經費。勅旨褒賞。公除大官令。二月二十日。補安藝守護職。四年辛酉。大友義鎮遣兵圍豐前門司城。八月。公軍山口。隆景率士衆援之。十二月八日。公與洞春公。進班爲相伴衆。五年壬戌二

月。從洞春公。取石州音明城。福屋隆兼所據遂入雲州。五月十八

日。除從四位下。八月六日。補備中後守護職。九月十九日

補長門守護職。冬。義鎮兵圍豐前松山城。公歸自雲州。軍

防府。遣將士援之。洞春公在雲州病。公至。誠告神。請代其

身。納公書嚴島神祠。既而洞春公瘳。六年癸亥五月十六

日。補周防長門守護職。二國大內氏所領。今重補長門守

也。依義輝命。與義鎮平。於是公歸。將復往雲州。七月十日

次吉田城外。長臣僉曰。宜入城休。公曰。吾欲過行。以代翁

勞。豈忍一日宴息乎。十二日。次佐佐部。整勅士衆。期以八

月五日發。三日夜暴病。至曉薨。得壽四十有一。法諡花溪

常榮。葬吉田常榮寺。後山口移夫人大內氏。生一女二男。女適

吉見廣賴。次天樹公。次德鶴君天。公天性孝友。謙遜。智勇

絕人。而必先德行。夙受洞春公讓。其後總管五州。常謂毛利氏至洞春公。其盛踔絕前世。物盛必衰。天之道也。吾不及洞春公遠矣。如當吾世。以致傾覆。何面目見祖先於地下乎。是以事事奉洞春公意旨。不敢自專。戰勝地大。而愈益惴惴。又恐洞春公日夜勤勞家國。有損其壽。是以苟有可安慰其心。則未嘗不勉行。又洞春公恐兄弟不睦。以招外侮。致過亂。常以爲誠。公亦奉其訓。不失其親。是以宗族輯穆。無一閒言。晴賢之擊吉。見正賴也。使洞春公率兵來會。發有期日。公獨謂晴賢弑其君。天之所惡。今也雖衆強。後當斃焉。且晴賢之所憚。獨我翁耳。若會之有不虞之變。則如家國何。於是與元春。隆景。及長臣謀。固諫止行。遂援正賴。滅陶氏。公之本謀也。蓋公既謙遜。事必詢洞春公。且

早其世。是以其功烈多不顯。若得其壽。以經營家國。則功業之盛。必有可觀者。惜乎。天之早奪其年焉。

天樹公畧譜

天樹公。諱輝元。常榮公長子。母大內義隆養女。實內藤與盛女天文二十二年癸丑正月二十二日。生於吉田。幼名幸鶴。常榮公薨時。年纔十一。是以洞春公再爲主聽國政。永祿七年甲子二月冠。足利大將軍義輝賜諱義字。又賜屋形號。遜義字而爲輝字。又改稱少輔太郎。公語保傅曰。吾雖幼弱。欲往雲州。展定省之志。且爲先鋒。以激厲諸將。時洞春公攻尼子氏。在雲州。聞之大悅。召公。吉川元長。元春長子。時十八歲從行。公請攻富田。乃使公爲先鋒。洞春公在後。四月十七日。門小森門。尼子義久敗退。斬首百四十七級。是時公初臨戰。九年丙寅十一月。尼子氏降。十年丁卯二月。公自雲州歸。十二月娶穴戶隆家女。十一年戊辰夏。大友義鎮背盟。元

春隆景屢戰於豐筑間。十二年己巳四月。公從洞春公軍長府。十月自長府歸。元龜元年庚午正月。軍雲州。擊尼子勝久。公初獨總軍事。元春隆景川小早從行。二月十四日戰于富部。大破之。三月二十三日叙從五位下。任右衛門督。四月十七日拔牛尾砦。其他城砦亦或降或陷。勝久兵勢大蹙。於是九月五日公歸。獨留元春擊之。二年辛未六月十四日。洞春公薨。公立。元春隆景爲補佐。八月二十一日勝久舍新山城遁。山中幸盛亦走。雲州平。天正二年甲戌二月九日。任右馬頭。備中三村元親據松山城叛我。十二月遣隆景擊之。公軍小田。三年乙亥春。攻拔杠國吉美囊幸山鬼身諸城。五月拔松山城。元親自殺。六月拔常山城。城將三村高德自殺。備中平。是年織田信長遣勝久幸盛

率兵入因州。草刈重繼作州高屢戰拒之。於是遣元春隆景。攻私部城。城將龜井茲矩等棄城去。遂攻若櫻鬼城。勝久幸盛亦不能守。夜潛逃去。因州平。足利大將軍義昭爲信長所逐。流落南紀。是年春來浦。屬備。託公以討信長。歸京師。賜桐服章。四年丙子。本願寺主顯如據大坂石山城。信長圍之。顯如請援兵及軍糧。乃發兵入大坂。木津花隈淡州岩屋城爲應援。又糧船數百。使水軍將兒玉就秀。乃美宗勝。村上武吉父子。粟屋元貞等護送。七月十三日入木津港。港口信長之戰艦大小二百餘。船樓如城。截塞川路。岸上亦有屯兵。防守甚嚴。我諸將乘夜進焚樓船。達明盡破其軍。斬獲溺死不知其數。遂入糧城中而歸。五年丁丑七月二十一日。讚州諸將攻元吉城。在讚州。我部將

援之。大破其軍。六年戊寅。信長使羽柴秀吉爲西州先鋒督。於是秀吉拔播州上月城。使勝久將二千騎據之。爲畧作州。入雲州。計三月。元春隆景率騎兵五萬圍之。公軍備中松山。爲之聲援。秀吉與荒木村重率步騎四萬救之。四月晦。軍高倉山。信長益發兵來援。及五月中旬。京兵至者總計十萬。六月二十一日戰於山下。京軍失利。二十八日大戰。我軍乘勝追至山下。二十九日早晨。秀吉等引兵去。七月三日。勝久自殺。幸盛僞降。命天野元明誘殺之。是年我兵與信長兵屢戰于大阪天王寺花隈等處。七年己卯十一月。公怒字喜田直家叛我。率元春隆景攻備中忍山城。拔之。八年庚辰。直家圍作州祝山城。公率元春隆景援之。直家敗退。九年辛巳十月。秀吉陷鳥取城。元春援之不

及。元春軍馬野山。不顧衆寡不敵。欲與秀吉決戰。秀吉來對壘數日。不戰而去。時草刈重繼吉岡質仲等在秀吉後。伺其情歸。橫衝其中堅。取秀吉金瓢認旗。秀吉大怒。遣兵攻質仲城。亦不勝去。十年壬午。信長使秀吉率兵八萬來伐。四月二十七日圍備中高松城。清水宗治固守之。秀吉築堤於城外。塞河部川下流。以灌其城。元春隆景援之。軍岩崎。公軍猿懸。秀吉固壘。壁不敢出兵。且築城分兵二萬守之。以遏援兵。又會梅雨連日。水勢益盛。於是元春隆景議決存亡於一戰。時秀吉召僧惠瓊語。公曰。若令宗治自殺。則締好息兵。惠瓊歸報。公及元春隆景不聽。惠瓊又語宗治。宗治慨然曰。如和議成。則東西數十州生靈之幸也。公爲愛我不許乎。大恩誠非一死之所能報。我其死援城。

中數千人。且成其平。乃棹小船出城。請秀吉監使自屠。兄月清末近信賀亦同死之。實六月四日也。於是和議成結。盟以備中河部川伯州矢走川爲界。蓋朔日信長父子爲明智光秀所弑。是以秀吉急議平也。秀吉將去。告曰。吾將歸誅逆賊。如欲背盟。速來決戰。如或踐盟。出兵援我。於是諸將皆曰。疾擊破之。乘勢入京。挾天子。令諸侯。時不可失也。獨公及元春隆景議曰。業已爲盟。血墨未乾。又幸其禍。背其盟。非義也。遣卒援之。秀吉大悅。十一年癸未。遣隆景元長。援豫州河野通直。誅其叛臣金子某。屢與長宗我部元親戰。十三年乙酉春。豫州平。是年五月秀吉遣羽柴秀長羽柴秀次征四國。公復遣隆景元長。助其戰。秀包亦行。元親等皆納款。秀吉嘉我功。分賜隆景秀包於豫州之地。

十四年丙戌秀吉征九州。命公總督前軍。八月公軍長府。元春隆景渡海。高橋元種部將舍小倉城去。十一月七日隆景及軍監黑田孝高攻豐前。宇留津城。城將賀來與次郎等戰死。斬首千餘級。虜男女四百餘。奉秀吉命悉磔之。十五日拔障子岳城。是日元春卒於小倉。二十四日拔香春岳城。元種降。十五年丁亥三月。秀吉西征。五月至薩州。島津義久。龍造寺政家。立花宗茂等皆降。六月秀吉次八角島。割九州地。封諸將。移隆景於筑前。秀包於久留米。七月二日秀吉至小倉。褒公功勞。賜大刀。是年佐佐成政封肥後。民不服其政。土賊起。圍熊本城。豐前亦土賊起。秀吉命公伐之。公軍山口。遣吉川廣家率雲伯兵擊之。十月二十五日拔岩石城。十一月二十四日拔城井城。十二月晦

拔賀來福島二城。豐前土賊悉平。隆景擊肥後。拔和仁邊春二城。秀吉皆賜書褒之。十六年戊子七月十九日。公至大阪。秀吉遣前野長泰勞之。二十二日黑田孝高前導入京。又使長泰及淺野長政迎勞于淀。入京。使長政及石田三成贈米千石。二十五日叙從四位下。任侍從。賜豐臣姓。羽柴氏。是日又遷參議。二十八日從秀吉朝帝。九月十二日歸國。吉田城地狹隘。乃遷都于已斐津口五箇莊。是年十一月經始。十九年四月新城成。改名廣島。十八年庚寅三月。秀吉東征北條氏。秀長爲留守。公亦守京師。四月秀長疾。使公代爲留守。又使隆景守清洲城。廣家守岡崎城。皆要地也。又使吉見廣賴。益田元祥。山內廣通。三澤爲虎。熊谷元直等圍伊豆下田城。小田原城守備甚固。五月二

十日召隆景廣家問策。隆景曰。莫如離間其將士。乃用其謀。城遂陷。九月八日秀吉即我國邸燕。十九年辛卯三月十三日。秀吉定諸州田賦。賜公藝防長石備中後雲伯隱百十二萬石封券。文祿元年壬辰。秀吉征朝鮮。命公及宇喜田秀家爲總督。四月十九日公率兵三萬至釜山。秀吉亦親往肥前名護屋。路次廣島。秀元君時年十四。執謁。秀吉語僧惠瓊。今藝無嗣子。宜養秀元爲子。後有男則立爲世子。別與采地於秀元。於是秀元君爲嗣子。大照公生後。割長州及防州吉敷郡。以封秀元君。二年癸巳正月二十六日。明援兵數十萬軍江陽。隆景先鋒井上景貞。粟屋景雄。桂景種。村上元吉。清水景治奮戰退之。秀吉賜書隆景褒之。三月諸將攻晉州城。不得勝。乞援兵於秀吉。秀元

君乃率兵二萬。渡海助其戰。六月二十九日城陷。公在釜山。久病。秀吉遣醫立朔視病。且屢賜教曰。宜授兵。秀元歸養病。然公猶在釜山。四月明使來講和。於是秀吉命諸將退軍釜山近道。復賜教促公及隆景歸。秋公乃歸。隆景亦病。代秀秋歸。三年甲午正月五日。叙從三位。四年乙未正月六日。拜權中納言。又列清華。秀吉置五大老。公及隆景列在其中。七月神祖及公隆景。上連署誓書曰。奉秀賴無有他心。關東政令神祖總之。關西則公及隆景總之。如其歸國。神祖與公交遞請教。慶長二年丁酉和議破。正月復遣諸將伐朝鮮。秀元君代公往。六月十二日隆景卒於備後三原城。是年公亦復渡海。朝鮮請和。秀吉乃賜教使公歸。十月公自壹岐歸。十二月諸將築城於蔚山。未成。明兵

百二十萬圍之。我將士在城外。明兵先攻之。冷泉元滿。都野家賴。馬屋原某。皆奮戰死之。其他臣僕死者數十人。三年戊戌正月。秀元君及諸將援蔚山。明兵解圍去。吉川廣家有戰功。又守城有功者。穴戶元續等二十七人。秀吉皆賜書褒之。八月十八日秀吉薨。遺命神祖及公。前田利家。宇喜田秀家。上杉景勝爲五大老。輔翼秀賴。四年己亥閏三月二十一日。公與神祖約。相親如兄弟。互有誓書。五年庚子神祖東討景勝。石田三成等乘間。矯秀賴命會諸侯。時公在國。馳檄召公。公至大阪。遣將士攻伏見。阿濃津等城。既而覺三成等之詐。乃與長臣議曰。吾既受秀吉之託。奉其遺孤者。吾之志也。由是爲彼等所欺。吾與內府有兄弟之義。若彼等所云果詐。則何其淪盟乎。乃使吉川廣家

福原廣俊納款。九月十四日井伊直政本多忠勝贈誓書于廣家廣俊。福島正則黑田長政亦贈書于公。通懃懃。十月十日神祖誓書。賜公及大照公防長二州。十二日直政亦贈誓書。以證神祖之無詐。是月公薙髮。稱幻庵宗瑞。傳國于大照公。六年辛丑春。公移于伏見。九月大照公往江戶。八年癸卯四月。公往江戶。六月歸伏見。是年八月二十一日。公初歸國。假館山口覺皇寺。九年甲辰正月築萩城。八月往伏見。謁神祖及台德公。十一月十一日移居菽城。十年乙巳七月。誅熊谷元直天野元明。示衆以其悖慢不敬也。十九年甲寅十一月。大坂之役。公率士衆往軍西宮。十二月八日台德公遣使賜服二十領及鶴。慰勞公。大照公自江戶至。公乃奉教授士衆於大照公而歸。元和四年

戊午。始以驛傳賜鶴。五年己未台德公朝京。八月十六日公至京。十九日高力忠房奉教來勞公。二十五日朝二條城。特命乘輿至玄關。閣老出迎。神尾元勝。柳生宗矩。侍醫道三等。左右提携。及進謁。本多正純。土井利勝。扶持之。優命慰勞而退。九年癸亥營館于外城。而退居焉。寬永二年乙丑四月二十七日薨。得壽七十有三。火葬於平安禪寺。法諡天樹院雲巖宗瑞。既而創天樹院於退老之地。爲薦福之所。後又祭爲神。其祠曰寶心靈社。今配祀于仰德大明祠中。是年五月十九日。台德公使神原職直賜教。弔大照公。賜祭奠白金三百錠。大猷公使多賀常長弔祭。賜白金五百錠。六月二日長井元房殉死。元房有故去國。傳嫡夫聞公喪。走歸自殺。人穴戶氏有二子。皆夭。側室兒玉元良女。生大照公。及吉

川廣正室。就隆。公幼而孤。洞春公教。育之。元春隆景補佐之。及其襲位。管下諸將。群臣庶民皆服。從其政。自元龜二年辛未。以至慶長二年丁酉。大小戰凡百有餘度。而與信長爭。雄數年。終不屈服。高松之役。與秀吉平。聞信長死。而不渝盟。秀吉服其信義。及號令諸侯。待遇尤殊。其征九州。爲前鋒總督。朝鮮之役。亦總督諸將。文祿中進大老。與神祖共爲東西伯。秀吉薨。左右秀賴。總理大政。慶長庚子之亂。割封二州。永爲大藩。蓋公之初移菟城也。旣獻六州之地。將士之祿皆爲削減。是時戰爭之餘。士氣剛悍。恨上背法。人情大不安。又大照公常在江戶。長臣之質子弟。亦來往繼踵。又屢奉土木之役。其費不貲。乃國計之匱乏。騷擾之勢可知也。公之簡牘傳于今者數百。足以見戰競危懼苦心勞思之甚矣。而公謹遜容忍。夙夜不怠。終能成其治者。實公之勞哉。且及晚年。益奉洞春公遺教。脩身謹行。亦以教大照公焉。夫方天之革命。宇宙一新。是以足利。今川。武田。北條。大內。尼子。大友。宇喜田。皆喪其家國。而獨我藩百世縣縣。爲有土之君者。雖洞春公之餘烈。而公拮据之勞。容忍之德。亦大矣哉。

大照公畧譜

大照公。諱秀就。天樹公長子。母兒玉元良女。文祿四年乙未十月十八日生。廣島。幼名松壽。慶長四年己亥行著袴之禮。神祖使下神原康政賜禮服俗所謂上下也及腰刀以結永好。九月七日始往大坂謁秀賴。十月十一日冠。叙從五位下。任侍從。秀賴賜諱字豐臣姓。又改稱藤七郎。十二月八日叙從四位下。五年庚子十月遷封防長二州。神祖有誓書。是月受天樹公讓襲封。六年辛丑九月。往江戶。館天德寺。七年壬寅六月三日。奉神祖命。聘松平秀康君女。八年癸卯賜櫻田國邸。十三年戊申七月十七日。台德公取夫人松平氏。嫁我櫻田邸。九月十三日賜松平氏。任長門守。十六年辛亥十二月初歸國。在江戶十一年。十七年壬子冬。巡

視國中。十九年甲寅大坂之役。自江戶發。十二月七日代天樹公軍西宮。元和元年乙卯夏。復率士衆至大阪。三年丁巳六月。台德公朝京。公先期自江戶入京。九月五日賜防長二州封券。五年己未四月。台德公朝京。公先期入京。是年福島正則國除。遣安藤重信永井直勝監取其城。守臣據城不奉命。於是命公出軍。六月公歸。率士衆軍防州岩國。既而守臣奉命離散。乃公復入京。九年癸亥七月。大猷公朝京。五月公入京。是年天樹公移居外城。九月十日公始入居內城。親聽國政。寬永二年乙丑。秀元補國政。三年丙寅。台德公大猷公朝京。公先期入京。是時從帝幸於二條城。帝賜內厩馬。八月十九日任右近衛權少將。十一年甲戌三月十八日。公請以弟就隆爲支封。是時爲防州降松。後遷德

山。七月大猷公朝京。公入京。閏七月十六日賜防長二州封券。十四年丁丑。肥前天主賊起。遣乃美元宣志道就幸等于島原。十五年戊寅正月朔攻城。元宣及國司就正有功。二月城陷。元宣就幸就正及原元勝等皆有功。慶安四年辛卯正月五日公薨。得壽五十有七。法諡大照院月禪紹澄。火葬於天樹院。明曆二年丙申。改大椿山歡喜寺。爲靈椿山大照院。築墳立廟。後又祭爲神。其祠曰魂歸靈社。今配祀于仰德大明神祠中。二月二十一日大猷公使阿部重信。弔泰巖公於江戶國邸。二十三日復使重信。賜祭儀白金五百錠。夫人松平氏生四男三女。長女適越後侯松平光長。次松壽君天。次和泉君天。次女適鷹司房輔公。次大吉君天。次女天。次泰巖公襲封。公之薨也。殉死七人。

曰梨羽就公。曰小川就克。曰信常就實。曰山名就行。曰村上就正。曰祖式就好。曰久保宗久。就云時掌機務。士大夫愛惜其死。皆呈誓書止之。吉川廣正亦往其家止之。曰。從先君於地下。以酬大恩。或寵臣之志也。雖然。全身以奉嗣君。爲社稷謀。是大臣之義也。豈可守小節而忘大義乎。不聽。於是辨機務行遺命。以正月九日自殺。其家臣山本氏忠殉死于就云。宗久前放逐在石州。聞公喪奪歸。十二日自殺。其他皆以公薨之翌日自殺。蓋先公之時。海內擾亂。其務一在攻城野戰。控御英雄。而法令制度未遑及焉。公之始襲封。神祖統一之時也。朝聘之禮。貢獻之數。於是乎定。當是之時。公在江戶十有一年。勤敏敬事。不失其度。是以朝貢班賜。百兩之式。傳到于今。皆大國之禮也。國中法令典故。亦以公爲稱首。必從其政。永世不改。實可謂守成之君也。

洞春常榮天樹大照四公の略譜はもとのあると毛利
の君英雲公諱重就卿の嘗て中興の祖宗たる四公の
事蹟を家々傳ふるため儒臣鶴臺瀧彌八先生に命し
吉田物語陰徳太平記其外多くのたしかかる記録と
もに就て編纂せまめられたるものあり卷首の序に
英雲公の文よして是亦先生の代撰よ成れりそもそ
も洞春公とハ贈從三位陸奥守元就卿の法諡、常榮公
とハ從五位下大膳大夫隆元卿の法諡、天樹公とハ從
三位權中納言輝元卿の法諡、大照公とハ從四位下右
近衛權少將秀就卿の法諡あり夫れ四公の功業は普
く天下の知る所よしてその勤王の大義と武成の偉
勳は煥乎赫赫古今よ涉り東西を極むるとも實よ比

類あかるへとされと此略譜ハ専ら要領を擧げたるのみその詳密の事ハ至りてハ明に天下の歴史に掲載したるを以て兒童走卒と雖も能く諳記する所あり後世また何ぞ蛇足を添ゆるの勞をあさんや明治廿四年七月湊川祭の日東京なる聽秋庵に於て書す

長門 看 雨 隱 士

長周叢書刊行廣告

大江匡房卿傳
山田原欽先生事蹟
三作文之初
學之
言葉之
長門國之
長門國之
菽門金匱
忠實未定之
毛利隆元卿傳
吉川元春卿傳
小早川隆景卿傳
羽賀臺御狩の記
洞春公略譜常榮公略譜
天樹公略譜大照公略譜

近藤芳樹先生著	豫約代金九錢
村田看雨先生著	同 金十錢
山縣周南先生著	同 金十六錢
瀧鶴臺先生著	同 金十五錢
近藤芳樹先生著	同 金十五錢
安部眞貞先生著	同 金十五錢
明人陳元贊先生著	同 金十三錢
著者姓名不詳	同 金十五錢
烏田智庵先生著	同 金十五錢
無名氏著	同 金十七錢
吉田松陰先生撰	同 金十錢
山縣太華先生撰	同 金十錢
青川延光先生撰	同 金十錢
鹽谷岩陰先生撰	同 金十錢
冷泉古風先生著	同 金十錢
瀧鶴臺先生著	同 金十錢

長周叢書發行所 東京市神田區淡路町一丁目一番地 稻垣常三郎

看雨村田峯次郎先生著

○東京地理沿革誌

洋裝美本 全一册
五百餘頁

右ハ曩日東京市區改正論ノ起リテヨリ後チ市區改正條例ヲ發セラレタルニ際シ村田先生深ク東京市畫ノ將來ニ變遷セシコトヲ慮リ市内既往及現今ノ形狀ヲ後世ニ傳フルタメ廣ク官私ノ祕書ニ徵シ詳ニ實地ノ來歴ヲ察シ竟ニ三餘年開ノ苦心ヲ費シテ此沿革誌ヲ編述セラレタルモノナレハ固ヨリ坊間尋常ノ著書ト同日ノ論ニアラス故ニ出版ノ當時全國ノ諸新聞雜誌等ニ於テ非常ノ讚評ヲ揭ケ頗ル江湖ノ喝采ヲ博シタリ試ニ本書ノ序文凡例ヲ讀給ハ、著者ノ苦心ト此書ノ價直アルコトヲ知給フヘシ今ヤ長周叢書ノ刊行ハ幾多ノ艱難ヲ凌キ非常ノ勉強ヲ積ミテ既ニ數回ニ及ヒタリ此舉固ヨリ死力ヲ擲チ古賢ノタメニ生命財產ヲ犠牲ニ供スルノ決心ナリシカ幸ニ同志諸公ノ翼成ヲ辱クシタルヲ以テ將來漸ク隆運ニ向フノ徵アリ依テ茲ニ祝意ヲ表スルタメ叢書豫約ノ御方ニ限リ御禮トシテ本書御入用ノ節左ノ特別價ヲ以テ差上可申候

普通賣價ハ金七十五錢ヨリ一厘モ引ナシト仕居候得共長周叢書豫約ノ御方ニハ金四十五錢ノ特別
低價ニテ差上可申候但シ東京市外並ニ各地方ハ前金ニシテ別ニ遞送費金拾錢可申受候尤モ郵便切
手代用ハ一割増ノ事

長周叢書發行所 稻垣常三郎
東京地理沿革誌

東京市神田區淡路町一丁目一番地


明治二十四年七月二十一日印刷

明治二十四年七月二十二日出版

編輯者 山口縣士族 村田峯次郎
東京市四谷區區
町七十二番地

發行者 東京府士族 稻垣常三郎
同神田區淡路町
一丁目一番地

印刷者 東京府士族 堀田道貫
同京橋區山下町
二十二番地



5
17
1



長周叢書

元 隆文 御傳
宮川 元春 御傳
小早川 隆景 御傳
羽 塚 台 御 狩 記
洞 春 公 常 榮 公 累 譜
天 樹 公 大 照 公

15-2001
004790-000-6

5-1

洞春公略譜・常榮公略譜・天樹公略譜・
大照公略譜

滝鶴台 / 著

M24

ACE-1485

